



المسرحية الضاحكة

حرقه أموت تاني



محمد عبد المنعم إبراهيم
الحامي

اهداءات ٢٠٠٢

لأستاذ/ فاضل عبد العليم القباني

الْمَرْصُوفَةُ الْفَضَائِلُ

عَرَبِيَّةُ الْوُجُوهِ ثَانِي

م. عَبْدُ الْمَنَعِمِ اِبْرَاهِيمُ
الْمَحْسَنِي

بِسْمِ اللَّهِ الرَّحْمَنِ الرَّحِيمِ

المسرحية الضاحكة

نشأة المسرحية . الضحك سمة بشرية
المسرح شعر وفلسفة . موقف المسرح من السينما والتليفزيون
حاجة الإنسان للمسرحية . المسرح يتمدى الزمان والمكان
لغة المسرح

(١) نشأة المسرحية :

١ - لقد درج المشتغلون بأمر المسرح على اعتبار أن الكتابة المسرحية هي قلة الأعمال الأدبية جميعها وفي نفس الوقت أشقها . وكانوا لا يتصورون قديماً أن تكون كتابة المسرحية إلا شعراً - موزوناً ومقفى - حتى كان العصر الوسيط - وأرسى شكسبير قاعدة الكتابة بالشعر الغير مقفى - ثم شيئاً فشيئاً وصلت المسرحية إلى لغة الحوار العادية ... وأن ظل الشعر باقياً في المضمون والمعنى ...

٢ - وكانت النظرة إلى المأساة تحتل المقام الأول - أما المسرحية الضاحكة فلم تكن تسو إلى طبقة المأساة وذلك يرجع إلى نشأة كل من المسرحيتين .

٣ — فقد نشأت المأساة في قداسة الدين أو امتداد لشعيرة دينية تسمو بفرضها وقد قال عنها أرسطو في كتابه فن الشعر « أن المأساة تتناول تقليد طبقة من البشر أعلى من سائر الطبقات ، — وقال عنها « أن المأساة محاكاة لفعل ما تحدث أثر التطهير بأثارة انفعالي الخوف والشفقة ، .

٤ — أما المسرحية الضاحكة فلو أنها نشأت أيضاً في أعياد إله — إلا أنه كان إله الخمر « باكوس » (١) .

فكانت تقام حفلات هازلة حول بساتين العنب أبان قطفة وعصره لصنع الخمر وكان الجميع يتبادلون الففشات والنكات وكثيراً ما كانت تحدث مسيرة لفرقة من الفرق المشتغلة بجمع العنب واجياً تلتقي فرقتان ثم يأخذان في التراشق بالألفاظ المضحكة - ولذلك قال أرسطو عن عن المسرحية الضاحكة ، « أنها تجعل الناس أسوأ مما هم ،

٥ — وبالطبع كان أرسطو يصدر حكمه على المسرحية الضاحكة التي كانت سائدة في المجتمع اليوناني القديم — وكانت المسرحية الضاحكة وقتئذ قوم على العبارات البذيئة والتراشق بالألفاظ والإيماءات الجنسية. الأمر الذي لم يعد له وجود في زماننا الآن بل أن المسرحية الضاحكة تشق طريقها لا لتقف بجوار المأساة فحسب بل لتواحمها ولتأخذ منها بعض

(١) يوجد بالاسكندرية حي كبير يطلق عليه اسم باكوس .

مشاهدتها . حتى لقد صارت التراجيكيوميديا أكثر شيوعاً من التراجيديا نفسها .

٦ — وصار التطهير : وتحرى المثل العليا للبشر من أهداف المسرحية الضاحكة حتى لقد كتب الخلود لبعض المسرحيات الضاحكة من أعمال شكسبير وموليير وأنوى وغيرهم .

(ب) الضحك سمة بشرية :

٧ — وكان يجب أن تحتل المسرحية الضاحكة مكانها - لأن الضحك ميزة خص الله سبحانه وتعالى بها البشر دون سائر المخلوقات .

وكونها أكثر شيوعاً من الدراما الآن - بعد أن كادت التراجيديا تندثر - كأن الإنسان بهذا .. وفي هذا العصر يؤكد بها بشريته بممارسة الضحك الواعى التى الشاعر الذى هو من صميم السمات البشرية .

٨ — وقد فتح الله على بعدد من المسرحيات الضاحكة - تنسم فيما اعتقد بالتنوع خصوصاً فى وسيلة الإضحاك فهى لا تعتمد على الإضحاك عن طريق سوء التفاهم فقط أو التكرار أو المفارقة أو عدم المبالاة أو المبالغة فى المسائل الصغيرة أو تصغير شأن المسائل الكبيرة . لا تعتمد كلها على طريقة واحدة فقط ... وهى فى نفس الوقت - فيما اعتقد أيضاً تحدث أثر التطهير بأثارة شتى الانفعالات .

٩ — وأنا إذ أبدأ بنشرها - أعلم أن قيمة الكلمة المكتوبة - لازالت كما هى منذ بدأ عهد التدوين - فع اختلاف وسائل الاعلام

لا زالت الكلمة المكتوبة هي الأساس وهي المقدر لها البقاء أكثر منه
أى وسيلة أخرى .

(ح) حاجة الإنسان للمسرحية :

- ١٠ - وليس استطراداً أن نحاول هنا بحث مسألة هامة هي :
ما قيمة المسرحيات على وجه العموم أو ما حاجة الإنسانية لها .
- ١١ - والمنهل العذب الذى يستقى منه الآن فى مسألة المسرح هو كتاب
أرسطو « فن الشعر » ، وهو ينسب سبب وجود المسرح إلى أن الإنسان
بطبيعته ميال للمحاكاة وهو بالمسرحية يحاول محاكاة فعل ما .
- ١٢ - وأحب أن أزيد أنا - أن الإنسان يحب للحياة - فى صورها
المختلفة وهو يحقق بالمسرحية محاكاة للحياة نفسها - فكأنه سواء بالتأليف
أو المشاهدة يضيف إلى حياته حياة أخرى تحدث أثرها المطلوب من
الانفعال والتطهير ... وكلما أضاف إلى حياته حياة أخرى زاد استمتاعه
بالحياة وفهمه العميق لها .
- ١٣ - وسيان أن كان ذلك بنقل صورة الحياة الأرقى - لنحاول
الوصول إليها - أو صورة الحياة الأدنى لنحاول الاعتماد عنها - أو أى
صورة أخرى تحدث أثر التطهير بمجرد إثارة الانفعال أو
أعمال الفكر .

(د) المسرح شعر وفلسفة :

- ١٤ - وأرسطو يرى بحق أن المسرحية - وهو كما تعلم يفصل الشعر
عن المسرحية وتناول كتابته عن المسرحية فى كتابه « فن الشعر » - لأن

الشاعر كان ولا يزال مؤلف المسرحية أيا كانت - وكان يرى أنها أعمق فلسفة واسمى رتبة من التاريخ - إذ هي تناول الآبانة عن الكليات والعموميات والتاريخ لا يتناول الآبانة إلا عن الجزئيات والخصوصيات

١٥ - على هذا نرى أن المسرحية أو الأدب المسرحي يأخذ مكانه حيث يوجد الشعر والفلسفة والقضايا الشاملة . وأن تناول الكاتب جزئية أو مسألة جانبية فأنما يرمى من ورائها إلى الوصول إلى الأعم والأشمل . أو كما قال الأستاذ توفيق الحكيم في كلمته الجامعة المانعة : الارتفاع والانفع . .

(هـ) موقف المسرح من السينما والتلفزيون :

١٦ - وقد أشفق كتاب المسرح من الفنون المستحدثة مثل السينما وامكانياتها الهائلة فجعلها العالم بأكمله بأرضه وسماواته وما فيها . وخشوا أن يرجع المسرح القهقري . لكن هؤلاء الناس نسوا - أن مجال المسرح في الواقع وأن كان محكوما بخشبة محدودة إلا أنه أرحب وأوسع من أى مجال آخر فهو يتسع لهذا جميعاً ولا أكثر من هذا يتسع للواقعي والطبيعي والرمزي والرومانسي بل للعقول والإلهام وغيرهما .

١٧ - ولبرهنة على ذلك نذكر مثلاً واحداً - شكسبير - كانت إنجلترا تغفر بثلاثة أشياء أوائل يقوم عليها مجدها - الأسطول - والاسترليني - وشكسبير .

أما الأسطول فلم يعد الأول بأى حال - وأما الاسترليني فليس

حاله بأحسن من حال الأسطول - لكن مسرح شكبير مازال وسيظل خالداً .

(و) المسرح يعبرى الزمان والمكان :

١٨ - وما يذكر أن أسبوع مهرجان الأفلام السوفيتية في القاهرة في أحد السنوات كان يحتوى على ثلاثة أيام كاملة من السبعة لشكبير وهو أمر يستحق أن نقف عنده بعض الوقت وتدير كيف فرض مسرح شكبير نفسه لاعلى إنجلترا وحدها .. لكن تعدى ذلك إلى خارج إنجلترا - إلى خارج البلد -- المكان - وتعدى الزمان - زمان شكبير نفسه - تعدى الزمان والمكان إلى روسيا - أى في بلد لا يعتبر صديقاً لإنجلترا .

١٩ - فالمسرح لن يتأثر بالسينما ولا بالمستحدثات التي قد توجد بعد ذلك فكلها متفرعة منه ومأخوذة عنه ... والدليل الساطع عندنا في مصر ، فالمسرح ازدهر ولم تؤثر عليه السينما ولا التلفزيون ورب قائل يقول - أن مرجع ذلك إلى العصا السحرية التي مست المسرح فجعلت منه عملاقاً لا يشق له غبار في هذه الأيام .

٢٠ - والرد على ذلك بسيط فالعصا السحرية والنهضة قد شملت في مصر كل شيء ومست المزارع والمصانع وشجرت الصحارى بل وانشأت التلفزيون انشاء فكان المعقول أن يراحم التلفزيون الفنى المسرح ، ومع ذلك فقد رأينا أن المسرح يشق طريقه بين الجميع ليكون أبا للجميع ورائداً للجميع .

(ز) لغة المسرح :

٢١ - تبقى مسألة أو مشكلة كثر عليها الجدل واختلفت حولها الآراء وهي مسألة اللغة - بأى لغة نكتب للمسرح ؟ - بالعربية أم بالعامية .

٢٢ - والواقع أن لغة الحوار اليومى هى اللغة العامية - والعامية نفسها لها لهجات مختلفة - وفى رأى أن هذه المشكلة سوف تحل نفسها أو يجب أن تحل نفسها حلاً سعيداً موقفاً

٢٣ - فالعربية - هى لغة العرب اجمعين - وكون العرب - فى مشارق الارض ومقاربها - يتكلمون لغة واحدة - مسألة يجب أن نعص عليها بالنواجز وإذا كان العالم يسمى لكى تكون له لغة واحدة - ويعتبر هذا أملاً حبيباً فالأحرى بالعرب أن تتمسك باللغة الواحدة ففيها لهم قوة وعزة ووحدة .

٢٤ - فالواجب أن يكون للمسرح شأن فى توحيد اللغة أو سيادة اللغة العربية والمسألة بسيطة - أن يكتب الحوار بلغة عامية أقرب ما تكون إلى العربية ولتسميها اللغة العادية وترتفع شيئاً فشيئاً حتى تصير اللغة العربية هى السائدة حتى فى حوارنا اليومى وليس ذلك بصير والاكانت لكل طائفة لغة - فى الشام لغة - وفى المغرب لغة أخرى بل

سيكون لنا في شمال الدلتا لغة والقاهرة لغة وأقصى الصعيد لغة وهو أمر
يجب ألا يكون — وتتمنى أن يزدهر المسرح ويرتفع باللغة العادية
وبمحوارنا حتى نتكلم ونكتب اللغة العربية — وهو أمل لا أراه
بعيد المثال .

واعتقد أنني حاولت ذلك في كتابة مسرحياتي التي أشرف بتقديم
أولها الآن على المسرحية .
والله ولي التوفيق

بِسْمِ اللَّهِ الرَّحْمَنِ الرَّحِيمِ

حَرَمَتْ أُمُوت تَانِي

الشخصيات

حسن البامبني	في نحو الثلاثين
علي كونه	صديق حسن — في سنة
عمود البامبني	شقيق حسن البامبني — في نحو الأربعين
زكية	تدعى أنها زوجة حسن البامبني
فاطمة	خطيبة حسن البامبني
مدعى حسن البامبني	في نحو الثلاثين
عسران	شريك المدعى في ادعائه

شيخ الفقر

دكتور في مستشفى الأمراض العقلية

ممرض في مستشفى الأمراض العقلية

المفاخر

- الفصل الأول — في غرفة استقبال متوسطة في بلد ريفيه
- الفصل الثاني — نفس المنظر
- الفصل الثالث — في مستشفى الأمراض العقلية — حجرة الدكتور إلى اليمين وإلى اليسار حجرة اختبار المرضى

الفصل الأول

المنظر الأول

المنظر : غرفة استقبال متوسطة في منزل على في بلد ريفية
يتلاحظ أن يظهر حسن بلحية كثيفة وشارب غزير

على — خد ياسيدى اقرأ نعيك في الجريدة
حسن — الله... الله... (يقرأ) توفي إلى رحمة مولاه كبير
قومه وعמיד عائلته... وعين أعيان... (يخاطب على)
أيه ده كله يا على... كل ده علشانى أنا .
على — ولسه... ولسه .

حسن — (يعود للقراءة) المحسن الكبير... حسن بك البامبيني...
(يخاطب على) أنا بيني مهم قوى وأنا مش عارف...
ده أنا خساره فى الموت على كده

على — طبعا... طبعا
حسن — (يعود للقراءة) ... ياسلام... وكل دول بينعوني...
شوف صفوان يقول إيه

- حسن — وهو صفوان وبس دول أكثر من عشرة
- حسن — (يوجد لقراءة) صفوان صديق العمر ... ينمى الأخ
الوفى ... ايه ده كله ... ايه المواطن دى .
- على — (يخاطب على) وده صفوان مين ... الى مبلغ فيه التيا به
لكن بعد ما مت حضرتك بقيت صديق العمر ...
- حسن — على كده كان حق الواحد يموت من زمان .
- على — لا ... وفى الحوادث ... الوصف المؤثر للحادثة
بتاعتك
- حسن — يا شيخ
- على — (يتناول المريدة ويقرأ) ابلغ شيخ الحفراء ... أنه
شاهد صاحب العزة ... الوجيه
- حسن — أقرأ ... صاحب العزة ... والوجيه دى تانى
(يضع رجلا على رجل)
- على — صاحب العزة حسن بك عليه البامبى ... وهو يخلع
ملابسه بجوار شاطى النيل فاستولت عليه الدهشة .
- حسن — حلوه استولت عليه الدهشة دى (ينقل شواربه)
- على — (متابعا لقراءة) ثم تبين أن هناك طفلا أشرف على
الفرق ... وفى لمح البصر كان حسن بك عليه البامبى
يشق عباب المروج

- حسن — يا سلام... يشق عباب الموج
- علي — وأخذ يغالب القدر العاقى... لكن وأسفاه... راح
ضحية شهامته ومرؤته ونجدته إلى آخراته... انه انه
- حسن — لكن ازاي ده حصل يا علي
- علي — بعد ما أخذت هدومك زى ما اتفقنا كنت أنا حابغ
لأنك غرقت... جه شينخ الحفر... كت أنت فى
البيت هنا... قلت له علشان اسبك الحكاية.. لأنك
نزلت تستحمى غرقت.
- حسن — بلغ هوه... لكن حكاية الشهامة دى جت ازاي
- علي — هوه قال دى لازم حكاية كبيرة وكلمة منى... وكلمة
منه... الكلام جر بعضه... اتخلقت الكاية دى وهو بالغ
فيها قوى وأنه عمل مجهود وحب ينجيكم اتم الاتنين
- حسن — وانت قلت ايه فى المحضر
- علي — هوه ما جش سيرتى... هوه عمل بطل على حسابك
وحسابى
- حسن — يعنى أنا دلوقت
- علي — ميت ١٠٠٪ مش ده اللى أنت كنت عاوزه... اديك
مت رسمى وميت فى سبيل اتقاذ طفل
- حسن — طب والجثة

على — أهم نزل غواصين... ولسة يشتغل... يقولوا أن
التيار جرف الجثة... المهم بقى إنك تختفى...
تسافر... تشوف طريقة... كنت عايز تموت
واديك مت

حسن — ولا حا ختفى ولا حا سافر... حا فضل هنا
على — يانهارك أبيض... وبعدها تكشف حكايتك ويعرفوا
إنك عايش.

حسن — أبدا أصل أنا طول عمرى متخفى فى الدقن والشنب
ده... بعد ما احلقهم... محدش جيعرفنى أبدا...
ولا أنت... لازم أقعد علشان أشوف بعينى وعلشان
يعرفم مقامى وعلشان زى أهلى وأصدقائى ما عذبونى
وضحكوا على... اضحك عليهم

على — الحمد لله أنا مليش دخل وأن شيخ الغفر هو الذى
بلغ علشان لما تكشف.....

حسن — حتشوف بعدما أحلق دقنى... حططن... حططن...
ادخا شقنا الى ينعنونى... حتشوف كان أيه حيحصل
من اخواتى ومن خطيتى... ومن أصحابى... هات
الموس... هات

(ينهب لى مرآة فى الحجرة وعسك الموس .. ويبدأ فى حلق
دقنه وشنبه وهو يقول ...)

أنا الى ريتك على الغالى سنين وأيام يادقنى



ويا ما قالوا عوازلى فيكى واللوام
ضحك على عشائك لم سمعت كلام
لكن زما تا حكم بالموس يفرقنا
وما فيش خلاص م الموس وم الاحكام
يادقنى يادقنى يادقنى

(متبها) طب والجنأزه ختخرج ازأى ما دام
ما فيش جته

على — ما دام ما فيش جته ما فيش جنازة (ناطرا الحسن)
يا خبر يا حسن .. ده صحيح محدش ممكن يعرفك ..
ده أنا مش عارفك

حسن — مش قتلتك .. إنما اسمع كانت تبقى لذينة قوى لومشيت
بنفسى فى جنازتى .. أول واحد كان يمشى فى جنازة نفسه
على — يا شيخ كده أحسن مين عارف كان جازر تضحك ..
جازر أنا أضحك

حسن — لكن يا على صعبان على الفراق قوى (يكي)
على — فراق إيه .. اهلك وأصحابك .. الى على رأى المثل
حسن — لا .. فراق دقنى .. كانت عاملة لى هية .. أنا حاسس
انى من غيرها مش موجود

على — بلاش كلام بقى .. الإسم زى ما اتفقنا حسن ..
عشان ما يحصلش غلط .. جازر لو اسميك باسم تانى اغلط
(م ٢ — حرمت اموت)

فهو الإنسان تملئ بينده الإسم الأول .. كنت حسن
البامبني دلوقت حسن المقدوني ..

حسن — المقدوني ؟ .. اشعني المقدوني

على — أهو يبق من نسل الاسكندر

حسن — الاسكندر؟

على — الاسكندر الأكبر .. وكان ع الوزن .. على وزن
البامبني

حسن — أنا سامع حس رجلين على السلم .

على — أنا العملية دى كلها خايف منها

حسن — خايف من ايه .. ده حتى ما لكش دور فى التبليغ ..
أنا كنت عاوز اخلص من حياتى ... أموت نفسى

على — بس لازمة ده كله ايه

حسن — ادينى بقيت عميد العائلة . والمحسن .. واللى كان

شاكينى يمدح فيه .. وخطيبى لما تتجوز باعتبارانى

مت تبقى سهلة ... احسن ما أشوف فرحها وأنا عايش
واتحمر

على — اهو لما تلاقى فيه احراج ... أقول انك نجيت ...

لكن خايف (يضرب جرس الباب)

على — (ينظر من شراعة الباب)

على — تعرف مين ؟

- حسن — مين ؟ مين ؟
- على — أخوك محمود ... أخوك
- حسن — ما داهية يعرفني
- على — تبقى فرصة وتقول انك سبحت ونجيت وخلاص
- (يذهب على يفتح الباب)
- (يدخل محمود البامبني)
- محمود — السلام عليكم (متأثرا)
- حسن وعلى — (بتأثر) عليكم السلام ورحمة الله وبركاته
- محمود — (يمسح دموعه) بس لو كنت ودعته ... بس لو كنت شففته قبل ما يموت ... يعني يا على أنت كنت معاه تفلى
- ما بتسيديوش بعض ... اشتمعني اليوم ده
- (محمود ولو أنه ظاهر التأثير إلا أنه يريد التأكد من موت حسن)
- على — كان رايح عند صديقه (يشير على حسن)
- محمود — حضرته
- على — (مقاطعا) آه ... حضرته
- حسن — وبرضه ما جانيش ما لحقش (يبي) ما شفتوش ...
- ما شفتوش
- محمود — (يهجم على حسن ويخففته) اهلا ... اهلا ... صاحب
- اخويا ... حبيب اخويا ... حبيبي

- حسن . — اهلا .. اهلا .. اخويا .. أخو حسن
- محمود — (يذكرك) تصدق بالله أنا لما شفتك .. كاني شفت
أخويا تمام ..
- على — آه فيه شبه منه .. طوله
- محمود — لا .. أخويا كان أطول منه شويه .. الله يرحمه .. إنما
كأنه هو .. لأنه من ريجته
- على — ومستودع أسرار
- حسن — الله يرحمك يا حسن ويשבش الطوبة اللي تحت رأسك
- محمود — (يرفع يديه إلى أعلى) في الجنة ونعيمها يا اخويا .. متيأ
لى انا واقف قدام اخويا
- حسن — ما هو بلاش تردد بقى
- محمود — زى اخويا تمام .. الله يرحمك يا اخويا .. بس لو
تبرد نارى ونلاقى الجنة
- على — جازي التيار جرفها مسافة بعيدة
- محمود — جازي .. كله جازي . لكن برضه مسيرنا نلقاها
- حسن — طبعا . طبعا .. مسيرنا نلقاها .. الله يرحمك
يا حسن .. كان بدري عليك يا حسن مش عارف اعمل
ليه في وصيته .
- محمود — وصية ايه

- حسن — الوصية الى ساجها
 محمود — هو ترك وصية
 حسن — ترك يا سيدى وصية ... أنا عارضته وقلت له مالوش لازمة ... قال لى لا
 محمود — والوصية فيها ليه ؟
 حسن — أهو غرزنى فيها... الله يرحمه ... خلانى أنا المنفذ لها... قلت له خلى أخوك محمود هو الذى ينفذها .
 محمود — وما رضىش
 حسن — لا قال أخويا محمود مش فاضى ... الله يكون فى عون أخويا مشاغله كثير
 محمود — كان قلبه على ... بس كان يسألنى وأنا كنت أتأخر عنه وفيها ليه الوصية
 حسن — مش وقته بقى
 محمود — مش وقته ليه ... فيها ليه الوصية
 على — مش دلوقتى يا محمود ... مستعجل على ليه
 محمود — علشان تنفذ الى فيها علشان نرجع قلبه فى التربة
 حسن — (للى) حيثجن
 (لمحمد) ياترى هو ترك حاجات كتيره
 محمود — تقول كده ما كفش فيه فرق بينى وبينه
 حسن — طبعا أخوات ... حبايب

- محمود — لكن كل الحاجة بتاعى
 حسن — وباسمك ؟
 محمود — ما كانش فيه فرق ... كنت باعزه قوى ... كنت
 باكتب كل الحاجات ... حاجاتى أنا باسمه
 حسن — يا سلام ... ياسلام على الحب والاخوية .
 محمود — الله يسامحه بقى ... لكن الوصية لك أنت ؟
 حسن — لا .. لأعمال الخير
 محمود — هو كان يحب الخير كثير ... أنا مستعد علشان عيونك
 وعيونك أنفدها بنفسى وأريحك
 حسن — والله لولا أنى مش عاوز أغضبه فى نومته ... كنت
 خلطتك أنت اللى تنفذها... لكن بقى حاضط على نفسى
 محمود — على أى حال... أنا مستعد لآى خدمة
 حسن — (يحضن محمود ويقله) تشكر يا أخويا تشكر
 (ينظر لعل نظرة لها معانى)
 محمود — ما تعرفش فيها ليه
 على — أهى لأعمال الخير واللى ينفذها حسن البامبىنى
 محمود — حسن البامبىنى
 على — المقدونى .. المقدونى
 حسن — المقدونى .. أصل تملى البامبىنى على لسانى

- محمود — (ياخذ حسن على جنب) مش يعنى نقدر نتعاون ...
 ما تحرمينش من فعل الخير
- حسن — أكرمك ازاي . . وأنا عارف إنك تموت في الخير
- محمود — أهو كده . . نبقى نتقابل بقى . . ومعاك صورة الوصية
 علشان أسهل لك العملية
- حسن — حاضر من عنيه
- على — (الحسن) (تدخل فاطمة تبكى) خطيبك فاطمة . .
- حسن — البقية في حياتك
- على — كلنا لها ... كلنا لها ... ما دايماً إلا وجهه
- محمود — أدى حال الدنيا
- فاطمة — ما فيش حاجة مأثرة فيه إلا أنى كنت زعلانة معاه ..
 يقطعنى ... يقطعنى ... لو كنت عارفة كده
- على — ياستى كل الناس بتزعل مع بعضها
- فاطمة — في الحقيقة ما كانش قصدى ... لكن حكاية دقته دى
 بقى كانت حاجة فظيعة
- حسن — ياستى ... فتوتى ... فتوتى
- فاطمة — هوه مين حضرته
- محمود — صديق حسن ... حسن ... برضه اسمه حسن
- حسن — حسن المقدونى

- محمود — صديقه الى حينفذ وصيته
- فاطمة — أنا الى مقطع في قلبي انه اتحر علشاني
- محمود — اتحر... اتحر ازاي... ده كان بينفذ واحد .
- فاطمة — ده كلام... يا ولداه اتحر علشاني
- على — علشانك
- فاطمة — أصله قال لي لازم تتجوز... قلت له بعد ما تحلق
دقنك... كل زميلاتي بتضحك على علشان دقنك فلازم
تحلقها... قال لي ده كلامك النهائي... قلت له أيوه...
سابني وخرج ما شفتوش من ساعتها... إيه... إيه... إيه... إيه...
- حسن — معلش... معلش... لكن لو كنتي عرفتي إنه كان
جيتحر كنتي اتجوزتيه بدقنه
- فاطمة — ما تقدريش تعرف تريقة البنات قد إيه... لكن تعرف
لو حلق دقنه
- حسن — هيه... كنتي اتجوزتيه طبعاً
- فاطمة — لا... لا... مش دي... لو كان حلق دقنه كان يبقي
شبهك (مغيرة لحسن)
- على — يا شيخه
- فاطمة — بس دوكلها كان أقصر شويه... لو كان طويل حبة...
لكن إحنا في إيه والا في إيه

- حسن — لا... اتبججى... اتبججى .
- فاطمة — (اهل) هو الله يرحمه ما كلكش على... كان متأثر
منى قوى .
- على — الله يرحمه هو ما كانش يفضفض كثير... لكن برضه
كلى عن دقته
- فاطمة — قال ليه
- على — كلام كثير... وكلى عن أخوه كان
- محمود — لسمع يا على... هو ده وقت الكلام ده... إحنا فى
المصيبة اللى جات لنا
- على — طبعاً من موته... ومن الوصية
- محمود — هو كان عندى أعز منه... والوصية كان
- حسن — الله يرحمه... غرزنى فى الوصية... لو ما كانش غرزنى
فى الوصية كنت حصلته ما يهونش عليه أعيش من
من غيره... لكن عايش فى ذكره... علشان أنفذ
الوصية بس
- محمود — ما هو برضه فيه ناس ينفذوها
- فاطمة — والوصية دى فيها ليه... يعنى عليه... ياترى افترك
يا فاطمة... أنا بس علشان يكون لى حاجة من ربحته
- حسن — طبعاً... لكى فيها حاجات... مش حاجة واحدة
- فاطمة — الله يرحمه... اللى يجازيه بالخير... أهى حاجة من

ريخته... ومستئين إليه مش تبخثوا يا حبة عيني ع الجثة
أنا لو كنت راجل... كنت عمت في البحر لغاية الشلال
علشان ألاقى الجثة... ده كان أمير

حسن — أنا حاسل كده... بس بعد الوصية... أصل فيها شروط
حسن — (ياخذ فاطمة على جنب) فيها شروط خاصة بيكي
فاطمة — أى شروط أنفذها... أنا بس عايزة حاجة من ريخته
حسن — مش شرط يظهر أنك تتجوزى واحد بدقن
فاطمة — بدقن... خذ رجع لدقن تعيتع... ده كان مجنون بالدقن
والإليه

حسن — وفيه حاجة تانية

فاطمة — إليه دى ؟

حسن — أو تتجوزينى

فاطمة — (تنفخ حسن من كل ناحية)

هيه الوصية دى أد إليه

حسن — لسه مش عارف (ياخدها في ناحية) أنا بس قصدى

أنفذ وصيته

فاطمة — وأنا برضه... بس يعنى فيها أد إليه

حسن — أهو بعد ما تتجوز نبقى نشوف

فاطمة — لا... إحنا نشوف الوصية... قبل أى شىء... مش

نفذ وصيته

(يدخل شيخ الغفر)

- على — أهلا ... شيخ الغفر
- محمود — فيه حاجة يا شيخ الغفر
- شيخ الغفر — أنا سألت على سعادتك يا محمود بك ... قالوا إنك هنا
حضرت علشان أبلغ سعادتك رسمياً أننا غربلنا مية
البحر بحثاً عن الجنة ، فى كل حنة فى البحر لحد ما وصلنا
سقف البحر كان
- محمود — وبعدن
- شيخ الغفر — لم أمكن أبدا العصور على الجنة لاني سلقطولا فى ملقط
فاطمة — ياميت خسارة .. خطيبي .. حتى الجنة .. يا حبه عيني
ما تلاقوهاش
- محمود — ما تبحث تاني يا شيخ الغفر
- شيخ الغفر — بحثنا فى كل نقطة فيه ما وجدناش الجنة ما بحثنا
- حسن — إيه الكلام ده .. يبقى صاحبي وما امشيش فى جنازته
- على — على كل حال يمكن عمل ليله
- شيخ الغفر — وعمل ليله من غير جنازته .. لم يجوز أبدا .. ما بحثنا
- حسن — ما تبحث يا شيخ الغفر
- شيخ الغفر — هو ما عندناش بقى إلا الشغلة دى وأشغال الحكومة
المتلته .. ما بحثنا
- على — برضه يا شيخ الغفر لو شوية هم .. صغيرة منك ..
حتلاقى الجنة

شيخ الغفر — طيب اجسم بايه .. اتنا ما تركنا قفوتة ميه ياناس ..

ده شىء يجنن . ما بختنا

حسن — يا شيخ الغفر .. علشان خاطرى ابحث تانى

شيخ الغفر — ازاي نبحث تانى .. يمكن التبار سحب الجثة ما بختنا

حسن — اجتهد يا شيخ .. وأنا أدبك مكافأة .. ده صاحبي

شيخ الغفر — احنا ما بنشتعلش علشان مكافآت .. ده واجب

علينا .. لكن علشان خاطر كضعاود البحث

(يذهب ناحية حسن) المكافأة دى كتيرة يعنى ادايه

حسن — اد عشرين جنيه

شيخ الغفر — (لنفسه) عشرين جنيه حته واحدة .. (لحسن) مش

علشان المكافأة .. أبدا .. احنا ما نشغلش بمكافآت

علشان خاطر عيونك .. وعيون المرحوم .. جنبك

تانى .. الجثة لازم توجد .. (وهو فى طريقه إلى الخروج)

دول عشرين اهيف .. سلام عليكم ..

(يخرج شيخ الغفر)

(فى أثناء هذا الحوار لا زالت فاطمة تتأمل فى حسن وتنظر

له محاولة أن تقنع نفسها بقبوله زوجها لها)

على — (لحسن) بتعainenك أهه .. حترفك

حسن — أبدا .. دى بتحاول كده تشوف زوج المستقبل ..

بتوزنه ياترى يستاهل ؟ باترى الوصية تستاهل ..

حتشوف دلوقتى

- حسن — (لفاطمة) قلتي ايه
فاطمة — أما نشوف الوصية .. (بصوت عالي) يا عيني عليك
يا حسن ... ياللي مورت نفسك علشانني يا حسن
محمود — (يأخذ حسن على جنب) شوف بقي يا حسن .. أنا من
ايدك دي لا يذك دي .. أنا مستعد أساعدك في كل
حاجة .. وفي تنفيذ الوصية .. أنت لازم عارف أن
الحاجات اللي سابها أخويا حسن بتاعتي
حسن — بتاعتك ازاي
محمود — خليك ، مايا أمال .. لكن علشان حب الخير
حسن — علشان حب الخير
محمود — علشان حب الخير .. وعلشان أريحك .. أدريك نصيبه
الوصيه فلوس
حسن — ده كلام كويس
محمود — شفت ياسيدي
حسن — لكن
محمود — بلاش لكن دي .. أنت مش عاوز تتراح
حسن — ايوه .. لكن
محمود — بلاش لكن دي .. الحاجة كلها بتاعتي .. لكن
حسن — ما انت بتقول بلاش لكن

- محمود بلاش لكن يا سيدى .. إنما علشان حب الخير ..
 الواحد يساهم برضه فى عمل الخير هو الواحد يعنى
 ما يعملش الخير إلا بعد ما يموت
- حسن صحيح .. ده الواحد يكسب ثواب كبير لما يعمل
 الخير وهو عايش
- محمود بس بدنا تتقابل كده لوحدينا
- حسن ما هو على عارف كل حاجة
- محمود هو على بس .. الدنيا زحمة .. وفاطمة كان
- حسن آه
- محمود على أى حال .. أنا من ايدك دى لا ايدك دى ..
 احسن من المشا كل
- حسن أيوه .. قلت لى المشا كل
- محمود خلاص سلام عليكم دلوقت
- حسن عليكم السلام
- على عليكم السلام ورحمة الله وبركاته .. بدرى
- محمود مش جايه يا فاطمة
- فاطمة بعد منك على طول
- (يخرج محمود)
- فاطمة يا ترى يعنى
- حسن ايه

فاطمة — — ولا بلاش (حسن) أنا كنت عايزه أكلك
لوحدك

حسن — ما هو على عارف كل حاجة

فاطمة — مش قصدى .. على كل حال نبقى تتقابل فى وقت
تانى .. ونشوف .. يمكن

حسن — أهو فكرى كويس .. اختارى

فاطمة — هية الحكاية سهلة .. أنا كنت باجه .. يمكن
ما اتجوزش طول عمرى .. القصة غلابة

(تمت فاطمة للخروج)

حسن — حشيجى امى .. علشان اعرف رأيك

فاطمة — اما نشوف الوصية قبله .. قبل كل شىء

حسن — كلام حلو

على — تمام .. اما نشوف الوصية

فاطمة — فوتكم بعافية .. كان ييفكر فيه

حسن — ربنا يديكى العافية

(تخرج فاطمة)

على — اما حنة حكاية .. محدش عرفك يا أبو على

حسن — أنا قلت لك انا كنت متكر طول عمري فى الدفن

والشئب

على — والاغرب محمود يقول دكها أطول شويه وفاطمة تقول

- حسن — دكها أقصر شويه
- على — دى تربية الدفن لها فوايد
- حسن — لا وشيخ الغفر راخر . . عاوز يقبض عشرين جنيه ..
يبنى يقابلنى لما يلاقى الجثة بقى بعد عمر طويل
- (المسرح يظلم يبطء ثم يضاء يبطء أيضا مع موسيقى .. حسن
وعلى يفران أما كنهها . . لكن النظر هو هو)
- حسن — بقى لى ميت دلوقت كام يوم ... حقه الواحد شاف فى
الكام يوم دول ... العجب
- على — ومين عارف يمكن تشوف عجب أكثر
- حسن — بقى حتشوف أكثر من فاطمة اللى ما فيشن حاجة
تهمها إلا معرفة الوصية
- على — ولا أخوك اللى بيساومك
- حسن — لا ... دى مش غريبة عليه ... لكن فاطمة ...
الحطية ... المخلصة
- على — ولا شيخ الغفر (يقلد شيخ الغفر) الأول يقول
مابحثا ... مابحثا وبعدين هو احنا بنشتغل علشان
مكافآت لكن حتدينى ادايه ومن يومها وهو يموت
نفسه فى البحر
- حسن — أما غي ... يبقى يقبص ... هو فاكر أن فيه جثة
- على — زمانه ماباش جوه الميه





حسن — ايوه ... يقول أنه يموت نفسه من ساعتها هوه والغفر
الى معاه ودايرين بحك

على — ليل ونهار

(ضجه في الخارج وصوت جله من شيخ الغفر ومه خفمين)

حسن — ايه ده

على — اهي دوشه كل يوم ... حيبجي شيخ الغفر يوصف لنا
عمل ايه

حسن — تعرف إني باتلذذ من منظره ... ومظاهر الجشع الى
باينه عليه (يدخل شيخ الغفر يضرب سلام) معه
خفمين آخرين

شيخ الغفر — مبروك ياسعادة اليه

حسن — على ايه

شيخ الغفر — عثرنا على الجثة

حسن — جثة مين ... جتتى

شيخ الغفر — لا يا افتدم ... جتته حسن بك الباميين

حسن — بتقول ايه

شيخ الغفر — عملنا الواجب تمام وبمحتا

حسن — أمسكى يا على

على — أمسكك ازاي

شيخ الففر - لحد ما لقيناها أنا ..
 الففرين مع بعض - أيوه أختا الثلاثة ماسبناش ولا حته وجرينا
 ورا التيار
 جيني - امسكى ... امسكى (يمسى عليه بين يدي على بيننا الففرين
 وشيخ الففر مستمرين في الكلام)

الفصل الأول

المنظر الثاني

نفس الحجر

- على — أهو كان نفسك بمشي في جنازتك ومشيت
حسن — وحضرت الليلة كان
على — لكن ما كنتش خايف
حسن — أخاف من ايه ... إذا كان أخويا ما عرفنيش
ولا خطيقي رخره
على — حاجات غريبة
حسن — غريبة وبس ... والجثة . . دى جت منين ... أنا أهو
صاحي قدمك ... جاب الجثة منين
على — متيال أنه لو ما كانتش لقي جثة ... أنه كان غرق
واحد علشان عشرين جنيه
حسن — وإلا كان غرق نفسه هو ... أنا كنت عاملها نكته
على — طلعت حقيقة
حسن — والى كانوا أعدائي كانوا بيتكلموا فى الصيوان عنى وعن
أخلاقى الحلوه ويحلفوا بحياتى

على — وإلا أخوك
 حسن — ده خليه على جنب بقى ... ده هراى علشان حكاية
 الوصية :

(يدخل عمود)
 محمود — سلام عليكم
 على وحسن — عليكم السلام ورحمة الله وبركاته

(بلمان عليه)
 محمود — (يجلس) والله أنا كلبتك كثير علشان الوصية... وأنا أطول
 عمري راجل على

حسن — على قوى
 محمود — أنا جاي النهاردة أخلص الموضوع خالص ... وأنت
 حر بقى

حسن — يعنى إيه
 محمود — يعنى ياتنفق النهاردة يابلاش خالص... أنا عايز أريحك
 وأساهم فى تنفيذ وصية أخويا... أنا جيت لك
 مبلغ محترم

حسن — المهم تنفيذ لإرادة المرحوم
 محمود — طبعا... طبعا ده المهم ... وأهو أنت تاخذ المبلغ
 وتنفذ لإرادة المرحوم

حسن — جيت لى أد إيه

- محمود — أنا جبت لك ياعم ٣٠٠ جنيه
- حسن — ٣٠٠ جنيه يفتح الله ... دى الوصية قيمتها حسب تركه
المرحوم أكثر من خمسة آلاف جنيه
- محمود — اسمع بقى ... هاودنى أحسن ... وأهو كان تنفيذ فعل
الخير بسرعة خللى بالك بدل ما نخش فى نزاع ...
الحاجة بتاعتى وأنا واضع يدى عليها
- حسن — بس ٣٠٠ جنيه مبلغ صغير قوى
- محمود — علشان خاطرك ٤٠٠ جنيه وإلا آيه يا على
- على — أنا خلينى بعيد عن الحاجات دى أحسن
- محمود — ما انتش عارف أن التركة بتاعتى ... ما تخليك معانا
أمال ... طيب وغلاوة المرحوم
- على — أهو كده أحسن ... أصله كان غالى عليك قوى
- محمود — قوى ... وغلاوة المرحوم ما أدفع أكثر من ٥٠٠ جنيه
- حسن — لا ... لا ... ما ينفعش
- محمود — ما ينفعش ... وحياة المرحوم وغلاوته .. وشني ده
أن خرجت من هنا من غير ما تنفق ما أنا متكلم تانى
- حسن — اسمع بس
- محمود — لا ... سلام عليكم
- حسن — تعالى يا محمود

- محمود — عاوز تقول ايه
 حسن — فين الخمسة تقبليه
 محمود — فين الوصية
 حسن — أصل فيها حاجات تانية
 محمود — ولا أولى ولا تانية مش المهم فعل الخير
 حسن — آه
 محمود — خلاص تدبني الوصية .. ونقطعها خالص وتأخذ المبلغ
 حسن — أنا قصدى علشان نصيب فاطمة
 محمود — هو كان يحبها هو كان يحب يشوقها خالص ...
 كان بيكرها
 حسن — يا شيخ
 محمود — أسأل على
 عل — وأنا يسألني ليه بس
 محمود — ودى تستاهل... ما هي هيه السبب... هيه اللى غرقته ...
 كبدى عليه كبدى عليك يا أخويا ... حتكسب الخير ...
 حتكسب ... جنية
 حسن — بس الحاجات التانية
 محمود — شوف الراجل اللى مش عاوز يعمل الخير ... وورفي
 الوصية
 حسن — (يخرج ورقة كبيرة ويناولها لمحمود)

- محمود — تمام خطه وإمضاءه ... يعني مش حرام حته ورقة
تساوى ٥٠٠ جنيه
- حسن — بلاش
- محمود — والله بس علشان خاطرك ... لو حد مات
قدامى ما ديله ملين ... لكن بقى خنخش فى
قضايا ... وفاطمه ... والجمعية الفلانية ... خذ
(يعطيه الـ ٥٠٠ جنيه)
- حسن — نهايته والسلام
- محمود — واتنى بى مال الكيش لازمة (يقطع الورقة)
- حسن — مات عليها معاك يمكن تجد فى الأمور أمور
- محمود — وبعد كده أمور ... الله لا يرحمه بقى غرنا
خمسة جنيه ع القاضى ... لكن معلش
ياسيدى حار ونار (يدخل شيخ الغفر)
- شيخ الغفر — سلام عليكم
- حسن وعلى ومحمود — عليكم السلام يا شيخ الغفر
- على — فيه حاجه
- شيخ الغفر — أما مصايب ياناس — أنا عايزكم ضرورى
تشهدم معايا ... لازم ... لازم
- حسن — نشهد على أيه

شيخ الغفر — آل آيه ... عيلة الماردني يقولوا أن الجنة ... جنة
قريبهم الى غرق من مده عايزين يطلعوا الجنة ويكشفوا
عليها ... فبدل بهدلة جنة المرحوم بتاعكم عايزكم
تشهدوا معايا أن دى جنة حسن بك البامبني

محمود — طبعا ... جنة حسن البامبني

شيخ الغفر — يا على بك لازم تشهد معنا وانت ياسعادة اليه
(يشير على حسن)

حسن — أنا ما عاينتش الجنة حتى لى أشهد

شيخ الغفر — لكن عارف تمام ومتأكد

على — إذا كان من ناحية عارف ... هو عارف قوى ... عارف
عارف من هنا للشلال

شيخ الغفر — طب وانت يا على بك

على — إذا كان حسن المقدوني ... وهو عارف كل حاجة ...

وهو الى خلاك تبحت عن الجنة ... ودفع لك فيها
مش راضى يشهد ... أقوم أنا الى ماشفتش حاجة
أشهد

محمود — تعالى يا شيخ الغفر ... تعالى ... هو ده كلام ... هو

لب عيال ... عاوزين يمر مطونا بعد دفن الجنة ...
قوم معايا ... قوم

شيخ الغفر — يا لله يا محمود بك ... طول عمرك أسد (يخرجان)

- حسن — ادى مبلغ عمرى ما حصلته من أملاكى ولا كنت
حاصله
- على — هو مبلغ ... لكن النتيجة أيه ؟
- حسن — خلينا دلوقتى فى نشوة الخمسة جنية ... أهو محمود طب
وشرب القلب
- على — ما حدش عارف مين اللى شربه
- حسن — قصدك أيه
- على — ولا قصدى ولا حاجة ... طيب وأيه العمل
فى فاطمة
- حسن — نبقى نكتب لها وصية تانية بس أما نشوف
- على — نشوف أيه ... المسألة كل مادة بتعقد
- حسن — يعنى نشوف هيه قصدها أيه .. بتحب حسن ...
بتحب الفلوس
- على — طيب والجثة ؟
- حسن — ماهى الجثة طبعا مش جثة حسن لكن محمود بقى من
مصلحته أن الجثة تبقى بتاعة حسن ... تأكيد الموتة
- على — وان عيلة الماردىنى أثبتت أنها لابنهم
- حسن — أنا رى موقى عمل مشاكل غريبة
- على — ومين عارف أيه المشاكل اللى حتجد

حسنى — ياسيدى لما تتعقد قوى ... أظهر وأقول إني نجيت
في مكان بعيد

على — جاز ما يصد قوكش

حسن — بقى ده اسمه كلام ... جرى لك أيه ؟

على — أنا عارف كان جرى لك أيه انت

(تدخل فاطمة) (تبكى)

على — معلش ياستى .. هدى نفسك كلنا لما

فاطمة — (تجلس ويدها مندبر تمسح به دموعها) صعبان على

قوى .. مأثر فية قوى .. كانت جنازته عليها هيه ..

كبيرة .. يا عيني عليك يا حسن ... ما كانش يومك

يا حبيبي

حسن — معلش ... معلش .. ما تخيلناش نعيط .. ربنا

يرحمه .. كلنا خضوت

على — طبعا .. ما فيش كلام ده فيه ناس بتموت وهى عايشة

فاطمة — والمأثر فيه أكثر أنه كان فاكرنى .. أهى برضة حاجة

من ريمحة .. تعزى شوية .. فتحت الوصية

حسن — تقرياً

فاطمة — تقرىا يعنى ايه

حسن — عارفين شروطها تقرياً

- فاطمة — طيب ما تقولها لي
حسن — حاقولها ... فيها لآنك تتجوزي واحد
فاطمة — عارفه انت يا واحد بدقن
حسن — طيب قولك أيه في الشرط ده
فاطمة — واحد بدقن كان هوه أولى
حسن — عال (لعل) ضمنا الجوازه
فاطمة — بس أيه اللى سابه له
حسن — أظن ميت جنية
فاطمة — ميت جنية ... وبتقول ميت جنية وحضرتك ...
حسن — يعنى الميت جنية مايلعنونيش
على — لامش قصدها يا حسن
فاطمة — لا ... قصدى كده ... أتجوزك انت عكشان ميت
جنيه .. له (هنا يظهر أن فاطمة بدأت تفهم حقيقة الموقف)
حسن — أظن الوصية فيها ميتين
فاطمة — ميتين ... ميتين أيه .. غيرش أنا كنت عايزه حاجة
من ريحة — . لكن ميتين جنيه بس
على — يعنى مايفعوش
حسن — يا على ... أظن ميتين وخمين
على — أنا ماقرئش الوصية ... ماانت قطعتها

- فاطمة — قطعها .. ولازمته ليه .. سلام عليكم .. أنا غاوية
تضييع وقت
- حسن — .. ياستى ما اتقطعش .. دى صورة مالهش قيمة ..
تعالى ... جنينه
- على — ال ... جنينه كلها يا حسن
- حسن — ما تنخرش الدنيا يا على .. خمسمية جنينه ياست فاطمة
- فاطمة — (تنفص حسن) (وهى تفكر وتقول لنفسها) : خمسمية
جنينه .. خمسمية جنينه .. والسلام .
- حسن — خلاص ياست فاطمة .. تتجوز بقى
- فاطمة — مش لما أقض .. هوه احنا خفد جزء م الوصية
والباقى لا .. ما ينفعش
- حسن — (لى) الحكاية لا حب ولا حاجة يظهر مادة وبس
(تدخل زكية)
- زكية — اهىء ... اهىء ... اهىء
- حسن — ياساتر يارب .. ليه الحكاية
- على — يمكن قرية الماردنى
- زكية — ده مش اسمه كلام .. ده حرام
- حسن — معلىش ياستى ... فيه حاجة
- زكية — محمود بهدلى .. كان جىضربنى .. يقول يموتى .
- على — كل ده علشان جئة

- زكية — أنا باستجد يسكم أتم... أتم كتم أعز أصحابه
حسن — الماردني
زكية — ماردني مين
عفي — أصحاب مين يا ستى
زكية — الباميني
حسن — عمرنا ما كنا أصحاب محمود
زكية — لا... حسن
حسن — ماله حسن
زكية — ربنا يستركم... ربنا يخليكم... ده يهدنى... كان
حيضرنى
حسن — مين حسن
زكية — لا... محمود... وأتم أصحابه... أصحاب المرحوم حسن
حسن — محمود عمل فيكى إيه... إحنا مش أصحابه... مش
أصحاب محمود
زكية — أتم مش أصحاب حسن
على — وأخواته
زكية — خلاص... ساعدوني على محمود... اشهدوا ضد محمود
ده قال لى يا نصاية... يا مزورة... يالى... يالى
حسن — وده كله علشان إيه

- زكية — وده كله علشان إيه ... علشان طمعه ... علشان جشعه
الدنيا مش مالية عينه ... محمود ده
- حسن — الحقيقة لكى حق .. محمود طماع . وجشع وكل حاجة
- زكية — طيب مادام عارفين كده ساعدوني
- حسن — طباً نساعدك
- زكية — إشهدوا معايا
- على — بس نشهد على إيه ... نشهد معاكى ونص
- حسن — أنا مستعد أشهد ضد محمود
- زكية — أتم طباً عارفين ... الله يرحمه ... ويبشش الطوبه
الى تحت راسه
- على — هو مين
- زكية — حسن البامبني
- حسن — أنت كنت تعرفيه
- زكية — أعرفه ... هو حد انحرق قلبه عليه زى
- على — (لسن) تعرفها يا حسن
- حسن — (امل) والله دى أول مرة أشوفها
- على — طب على مهلك ... على مهلك ... ربنا يصبرك ... كان
فيه إيه ... قولى لنا فيه إيه
- زكية — يا هيى عليك يا جوزى
- حسن — جوزك مات ... البقية فى حياتك

- زكية — يا سبى ... يا جلى ... يا حبيبى يا حسن يا بامبىنى
حسن — هوه كان
زكية — جوزى ... حبيبى
حسن — يا سلام ... أتايه كان متجوز ولا اعرفش
فاطمة — جوزك لى ... جوزك لى ... حسن
على — (لى) استلم
حسن — (لى) ولسه ... لسه
على — (لى) يا ما تشوف ... جثة وزوجة
حسن — بس على مهلك ... على مهلك ياستى ... هو كان متجوز
معرفة لانه كان متجوز
فاطمة — يا خيبة بختك يا فاطمة ... كان متجوز وناكر منك
يا فاطمة ولسه يا ما تشوفى يا فاطمة (مشيرة لى حسن)
وقال ليه وصية وجوازة ... إحنا عايشين فى ...
حاتجن يا ناس ... حاتجن
(فى سبيلها لتخرج)
حسن — راحة فيه ما كانش متجوز ... تعالى تعالى
زكية — يعنى أنا حاتبلى عليه
(ترجع فاطمة)
زكية — مش لى أول واحدة يا حبيبى ... الله برحمه كانت
عينه زايغة ... مش أول واحدة كان حبيصك عليها

- علی — کان متجوز حضرتك
 زكية — آه کان متجوزنى
 حسن — عجیبه
 علی — بقى كان متجوزا
 حسن — إنت متأكدة ... متأكدة إنه كان متجوزك
 زكية — هوہ إیہ الی بتعمله ده ... ما شفتش واحدة متجوزة أبدا..
 حسن — قولى كلام غير ده یا سقى ... ده أنا كنت صاحبه ...
 کنا واحد ... فاهمة یعنی إیہ ... واحد ... کنا بننام فی سریر واحد ... بس حاقول إیہ أكثر من كدة
 زكية — وده ذنبی یعنی
 حسن — بس كان متجوز ازای ... ازای (لنفسه) أكونش متجوز ومش عارف
 (لرکيه) كان متجوزك ازای ... واهو كان عاطب ..
 هوہ قال لی علی الخطوبة
 زكية — نعم ... نعم حتمل زى محمود ... والناس تتجوز ازای
 علی — نعم .. نعم .. والناس بتتجوز ازای (لحسن)
 یا بختك یا حسن جثة وزوجة واشیا معدن
 زكية — والتبى لو كان علیه ما كنت أسأل .. لا أنا وحده
 ولا کاتمة .. لما أقول یا جواز ميت ألف يتجوزونى
 حسن — آمال إیہ کان

- زكية — مش عليه أبدا .. ده على الى فى بطنى .. الى ما يقدر
يدافع عن نفسه ويتكلم الصغير .. الآخرس .. ده
(مشيرة على بطنها)
- حسن — الى فى بطنك .. جيله كان .. حاتجنينى ياستى
- زكية — بعد الشر عليك يا اخويا . انشا الله الى يكرمك ..
حاتجنن ليه
- حسن — حاتجنن
- زكية — وهوه ده بجنن .. عمرك ما سمعت أن واحدة جلت أبدا
- على — صحيح يا أخى عمرك ما سمعت أن واحدة جلت أبدا
- حسن — بس يا على .. مش وقت هزار
- زكية — هزار هوه الجبل هزار ما كل الستات بتجبل
- على — صحيح يا أخى .. ما كل الستات بتجبل
- حسن — وبعدين بقى
- زكية — وبعدين ايه دى حتى الحيوانات بتجبل .. القطة الى
اسمها قطة بتجبل
- على — صحيح يا أخى .. القطة .. الى اسمها قطة بتجبل
- فاطمة — وقال أنا باعيط عليه .. كان متجوز .. المنيل ..
- الحايب .. الى حتى ما عرف يتحفظ على الوصية
- زكية — وصية ايه ياستى

- حسن — (لى) بدى اقتكر بس اتجوزت امتى وخلفت امتى...
 أنا حانجن صحيح
- زكية — أهو أتم أعز أصحابه زى ما كان يقول لى
- حسن — كان يقول لك على حسن المقدونى
- زكية — يوه... هوه كان على لسانه غير حسن المقدونى...
 المقدونى... المقدونى أنا رايح للمقدونى
- على — المقدونى
- زكية — أنا جاى من عند المقدونى
- على — من عند المقدونى
- زكية — غبت ليه يا حسن يا بامبىنى
- على — آه يا حسن يا بامبىنى
- زكية — كنت بالعب عشره طاوله مع حسن المقدونى
- على — أهو كان يلعب معاك طاوله
- زكية — أنت خارج ومعاك خمسة جنبه راحم فين
- على — آه دى مهمه قوى
- زكية — والله حسن المقدونى استلفهم منى
- على — ياه يا حسن يا مقدونى... ده انت صعب قوى
- زكية — دلوقت بقى خلونا فى المهم... اتم أعز أصحابه...واللى
- فى بطنى ده جيسألکم يوم القيامة
- على — أيوه ده كلام مظبوط... يسألنا عن آيه

- زكية — عن حقوقه .. لازم تشهدوا معاياه ضد محمود اخوه
الطماع ... النصاب ... الى بينكرنى وبينكر ابنه
علشان الدنيا الفانية ... علشان ياخذ الميراث
- على — الدنيا الى ما تسواش
- زكية — أيوه والتي قول معايا ... ربنا يترك ... حتشهد معاياه
- على — اسمعى لو شهد حسن المقدونى ... لانه ده كان معاه على
طول ... أشهد أنا راخر
- زكية — كتر خيرك يا أخويا عداك العيب (تتجه نحو حسن
وتكلمه منفرداً بينا تتكلم فاطمه كلاما غير مسوع مع على)
شوف ياسى حسن يا اعز صاحب لجوزى ... انت
فى مقام الوالد الى فى بطنى حضرتك بقى ربنا يترك
ولا يغلبك ولية تشهد معاياه
- حسن — بس ياستى
- زكية — مافيش بس ... هو قال لى عليك لانتك راجل شهم
- حسن — قال لك كده
- زكية — آه ... هو كان له سيره إلا المقدونى ... وأنا مالياش
بركة إلا أنت
- حسن — ازاي بقى
- زكية — ولا ازاي ولا حاجة من جنيه لية تحت أمرك
- حسن — بس ما اعرفش ياستى

- زكية — يعنى أنا حاتبلى عليه ... ليه ... فيه داعى ... أبدا
- حسن — مايمكتش
- زكية — ليه مايمكتش ... طب اسمع ... أنا مستعده ...
- شوف بقى علشان تعرف طيبة قلبى
- حسن — أيوه
- زكية — أنا مستعده باعتبارك أعز أصدقاءه ... أتجوزك
- حسن — بتقولى أيه ... مستحيل
- زكية — مستحيل ليه أهو تبقى فى مكان الوالد لإبنه
- حسن — مستحيل ... مستحيل ... مستحيل ياستى
- زكية — طب أعمل أيه فى اللى فى بطنى ده ... هوه لولاه أنا
- كنت سألت ... هوه كان أيه المنيل ده
- حسن — ولما كان منيل ... اتجوزتية ليه .
- زكية — القسمة ياسعادة اليه ... القسمة غلابه ... كان يسجى
- منين اللى فى بطنى
- حسن — اتنى حتخلى الواحد يعترف ... تعرفى أنا مين
- زكية — مين يعنى ... أبو شنب فضة
- فاطمة — أيه ده ... دول بينهم انسجموا مع بعض ... حاجة تفلق
- على — ده يظهر الانسجام الآخر (بسغريه) يامقدونى ...
- فاطمة قلقانه وعاوزه تنزل ... مش كفايه انسجام

- يا ابو ... يا بوا أيه (لذكى) اتقى حكمة أيه (على يتوجه ناحية حسن)
 على — (لحسن) ... أيه ده كله ... أيه ده كله
- حسن — تصور (لى) انا متجاوز ومش عارف وحاخلف
 ومش عارف
- على — حلو... حلو... جد طایل
- حسن — (لى) بلاش هزار ... دى حاجة تخلى الواحد يضحك
 ولا يهزر ... تصدق أنها بتعرض على الجواز ...
 عاشان اشد أنها مرات حسن البامبى
- على — طب ماتجوزها ... اهى تبقى شهادة صح ...
 تعرفى ياست
- زكية — زكية ... زكية
- على — ياست زكية لو اتجوزنى المقدونى اشد والله
 العظيم معاكى
- زكية — هو قال لك ... هو ماتتبلش فى بقه قولة
- فاطمة — ايه الكلام ده ... أنا ماليش قعاد هنا
- حسن — ياست فاطمة استنى شوية ... أنا حلاقها متين
 والا متين
- فاطمة — استنى ليه ... ربنا يهنى سعيد بسعيدة
- حسن — استنى بس
- على — (لحسن) أدبك يا بطل حاتجوز اتين ... والله نلتها
 يا حسن ... الجثة ظهرت أولا — وجت لك زوجة

- من السما ... وحيلة كان ... جاهزة ... مافاضلش
 بقى إلا يظهر أن حسن البامبى ده واحد تانى غيرك
 — بلاش تريقة يا على ... أنا تعبان خالص ومش عارف
 اتصرف لزاى
- يا اخويا بايضة لك فى القفص ... كنت عاوز تمشى
 فى جنازتك ومشيت ... وكنت خاطب لقيت نفسك
 متجوز وحاتخلف
- (متوجه ناحيتهما) ماتفضوها بسقى ... قلت
 ليه يا مقدونى
- قلت ليه ... حاقول لك أنا مين ... حتدهشى
 (يدخل محمود منفلا)
- (على) يظهر عرف
 — (لحن) الثبات الثبات
 — (يمسك فى حسن) تعالى هنا ... قوللى ... عملية
 انصب الى عملتها انكشفت
- ماهو صاحب حسن البامبى ... وكان تملى ينصب عليه
 — اتى هنا كان ... أهلا ... أهلا
- أهلا والا مش أهلا ... كلكم زى بعض ... مش
 غريبة أى واحد فى دول (مشيرة لايهم) ينصب
- وأنا كان ... كملت
 — (وهو لازال ممسكاً بحسن) فىن الخمسمية جنبه

- حسن -- خمسية جنيه ليه
 محمود — ايوه استعبط... استعبط ... هوه أنا ينضحك عليه
 أنا أقتل ... أنسف ... أنا أوديك في ناحية
 على -- حلك يا محمود شوية ... تفاهم
 محمود — بتقول حلوى ... أنت شريك في النصب
 فاطمة — ليه الحكاية يا ناس ... الدنيا مالها مدربركه كده ...
 ليه الحكاية
 محمود — هيه حكاية تتحكى ... هات ياراجل الفلوس
 حسن — هات الوصية
 فاطمة — اتكلموا ... اتكلمو ... الحكاية حتكشف ... الوصية
 محمود — وصية مين ... وصية مين
 على — حسن البامبيني
 محمود — ماترفش هوه عايش والا ميت
 حسن — أيش عرفني
 محمود — ياشيخ ... استعبط ... استعبط قوى ... عايش
 والا ميت
 زكية — عايش ... عايش ... يادهوق ... ده مات وشيع موت
 محمود — مات مين ... مات لإزاي ... ده أنا اللي مت
 وانضحك عليه
 حسن — (ليل) الحكاية انكشفت يا على
 على — (الحسن) الثبات .. الثبات

- فاطمة — ماتفهمونا الحكاية إليه والوصية إليه
- محمود — الحكاية انى أنا اتنصب على حاكون مضحكة العالم كله
- فاطمة — فيه إليه بس .. الوصية فن
- محمود — هو اتنى مش همك إلا الوصية ... أيوه فيه وصية (باستهزاء)
- فاطمة — لقيتها
- محمود — لا كميها
- حسن — سليبي بقى يا أخى واهدا ... واقعد تفاهم
- فاطمة — آه والنبي وشوف وصبة المرحوم
- محمود — مرحوم مين ياستى .. مرحوم مين .. حسن البامبىنى
- عايش .. عايش (ينظر لحسن بمدة) حسن البامبىنى
- عايش . عايش .. عايش والا لا
- حسن — بس سيني يا أخى بقى وقول اللى أنت عاوزه
- على — (لحسن) الثبات .. الثبات
- حسن — (لعل) هو بقى فيه نقطة دم
- محمود — بتقولوا إليه لبعض ... ما انكشفت كل حاجة
- حسن — (متشجعا) انكشفت .. انكشفت .. أعلى مانى خيلك أركبه
- محمود — اسمع يا راجل انت .. اسمع بالدوق هات القلوس
- حسن — هات الوصية اللى قطعها
- فاطمة — قطعتموها .. ده أنا أبلغ النيابة
- محمود — نيابة مين ياست ... قيمة الوصية إليه ... الراجل عايش

- فاطمة — صحيح... صحيح (بفرحة مصطنعة) بتقول صحيح عايش ...
حبيبي حسن
- زكية — (لنفسها) تبقى حكاية ... ابقى صحيح انكشفت
- حسن — يعني عايز تقول إيه... أنا حسن البامبيني... اسمعوا كلكم
أنا حسن البامبيني عاوز إيه... فلوس... جزء من
فلوسى ... أنا حسن البامبيني ... أنا عايش
- محمود — لا يا مقدوني ... لا ... يا حبيبي ... انت عاوز تعمل
لعبة تانية ... على ميز بتي حسن البامبيني فى المستشفى
- فاطمة — يا حبيبي يا حسن ... انهى مستشفى
- زكية — (لنفسها) يا دهورى ... حاروح فى داهية
- حسن — حاموت ... حاجتن ... أنا حسن البامبيني
- عل — (لحسن) حهلك شوية يا شيخ ما هو ده يوم المني والله
فلتها يا حسن
- حسن — فلتها
- عل — آمال يا سيدى
- محمود — اسمع أنت وهو... دى حكاية ... اتم وضبتوها علشان
تنصبوا عليه
- فاطمة — فى انهى مستشفى . . فى انهى مستشفى
- محمود — وهو حينخرج سليم . . أنا ليه معاه حساب
- حسن — انت عارف انت بتقول إيه
- محمود — ايوه ... استعبط ... ما انت مقدوني ... معروف

- باللوم والخذاع
 حسن — اتكلم كويس
 محمود — أنا اللي اتكلم كويس ... حسن البامبني في المستشفى الميرى .
- فاطمة — حبيبي يا حسن ... حاروح له هوا
 حسن — رايحة فين ... تعالى
 فاطمة — رايحة لحبيبي ... خطيبي (لنفسها) أما أجتته - (لحسن) رايحة له - رايحة لحسن حبيبي
 زكية — (لنفسها) وأنا أما أخذها من قصيرها . (تفرح فاطمة وزكية)
 حسن — انت بتضحك يا محمود
 محمود — أنا باضحك ... أنا بينضحك عليه ... حسن طلعه م البحر بعد التيار ماجرفه و عملوا له إسعافات ... وقعد يخرف
 كأم يوم ودلوقت بقى أحسن .. مش ده كله توضيكم
 على — والله نلتها بصحيح يا حسن
 محمود — على مين ... مش ده كله توضيكم
 حسن — الحقنى يا على ... اسندنى يا على ... أنا مت بصحيح يا على
 على — ما انت بيت من زمان يا خويا ... أهى بقت رسمى خالص .
- حسن — حاموت ... حاموت (يقع على الأرض)
 محمود — تموت ما تموتش ... الحتمية جنيه .

الفصل الثاني

المنظر الأول

في منزل على - نفس الحجرة - حسن - على

على — دلوقت يا حطما بقاش في نفسك حاجة .. ميت وانت
حى .. خاطب ومتجوز من غير ما تتعب نفسك ..
وبعد كده لقيت نفسك كان .. وأخوك رايح يستلمك
م المستشفى

حسن — أيوه جيستلني .. جيستلم الراجل النصاب .. أنا
حأقول كل حاجة

على — والأش حتخلف كان ... ومشيت في جنازة نفسك
حسن — كفاية كده .. أنا حأدب الناس دول .. حاديلهم درس
على — حيلك .. حيلك .. هيه المسألة سهل قوى كده .. زى
ما أنت متصور .. ما انتش فاكر يوم ما قلت أنك
حسن البامبني ..

- حسن — افتركروا إني عاوز انصب على فلوسهم
- على — اهو ده اللى حيحصل دلوقت .. حيقولوا إنك مدعى
ونصاب وطمعان فى الفلوس .. خليك ميت أحسن ..
أما تشوف حعملوا فى بعض ايه ..
- حسن — حيعملوا ايه .. طيب الجثة وقلنا دى ما بتتكلمش ..
وشيوخ الغفر عملها .. وأولاد الماردىنى طالبوا بجمعة
قريبهم .. لكن واحد يدعى أنه هو حسن البامبىنى
- على — جازى ما ادعاش .. همه قالوا له انت حسن البامبىنى ..
لقى لك ثروة وأملاك .. وزوجه واللى فى
بطنها .. وخطيبه قال لك الاقى زى دى فى ...
سكت وجازى ...
- حسن — جازى ايه كان
- على — جازى يكون هو حسن البامبىنى
- حسن — وأنا ابقى على كده مين ؟
- على — انت راجل عظيم ... من قرايب وأحفاد الاسكندر
الأكبر ... المقدونى
- حسن — أيوه ... قول ... وأنت ايش على بالك ... اضحك
عليه ما أنا أصبحت مبراه
- على — أنا ما باضحكش ... أنا باتكلم ... ما هو يا كده يا اما ...
- حسن — يا أما ايه ياسى على

علي — أما انك تفضل مقدوني ... يا خروح كلنا في داهيه...
أنا وأنت

حسن — بقى الزوجة المزيفه دى ماتر وحش في داهيه... والولد
اللى في بطنها اللى مالوش أساس ... والتصاب اللى
بيدعى أنه حسن البامبيني... دوله ما عليهمش حاجة...
وأنا اللى حاروح في داهيه

علي — ماهو انت اللى ظلمت نفسك ... أنت سبب ده كله
حسن — وأنا كنت باحسب أن ده يحصل ... ما كل الناس
بتموت ما بيحصلش ده ليه

علي — الناس بتموت حقيقى ... مش بتدعى أنها ماتت
وتعمل ضجة... والجرايد تكتب وجثة ومشرحه...
الموت مش لعبة الناس تلعب بيها .

حسن — يا أخى وافرض مت حقيقى ما كان ده يحصل
علي — لا... الدنيا بتدى كل واحد على قده... أنت زيفت
الموت... رخرين زيفم ده كله عليك

حسن — ساعات بتتكلم كلام فارغ ... وساعات بتتكلم
كلام موزون

علي — ثم تعالى يا أخى... أنت مش كنت عاوز تموت...
أنت مالك بقى... الميت يهمله ايه من اللى يحصل
بعد ما يموت... اللى يحصل يحصل

حسن — وهو أنا عملت ميت من شيء شويه ... ما أنت عارف...
 أنا كنت عايش ميت ... خطيبتى ورفضتى... والناس
 كلها بتهاجنى ... وأخويا استكردنى ووضع يده على
 كل اللى ليه

على — هو يعنى القيامة كانت قامت كل حاجة كان لها حل

حسن — ازاي بقى يا فصيح

على — حكاية خطيبتك بسيطة

حسن — ازاي بقى

على — كنت تخلق دقنك

حسن — وأخويا

على — البلد فيه قانون وعداله وعما كم

حسن — والناس

على — كنت تحاول تعاملهم بعقل ... ما كل الناس بتعامل

حسن — أmaal قتلش ده ليه ... مش انت اللى جسمت فى

ذهنى فكرة الموت ... مش أنت اللى طلعتها فى عنى .

على — لا ... لا ... لا احنا كنا بنضحك .. بنتسلى

حسن — بنتسلى

على — آه .. أهو كان كلام .. زى الواحد ما يبشطح بتفكيره

أنه حيتجوز كليوباتره يقوم حيتجوزها .. يعمل زى

فابليون .. حيعمل .. حيطلع القمر .. يقوم بطلع

- حسن — أهي دى بقى ممكنة
 على — أديك طلعت القمر .. خليك بقى فيه
 حسن — وهو ده القمر
 على — زوجه وخلفه جاهزة .. وراجل يحمل اسمك وجهه
 ومين عارف .. اما ده راجل لطيف خالص ..
 تعرف أنا مشتاق أشوفة
 حسن — راجل لطيف .. ايه اللطيف فى الحكاية .. لكن
 محمود .. من يوم ما راح له المستشفى محدش شافه ..
 يمكن
 على — يمكن ايه
 حسن — يمكن كشفه .. ده لا زى يموته .. لانه كان عاوز
 يورث
 على — ما هي الست زكية طلعت له بطنها
 حسن — بس محمود شاطر قوى
 على — أهو هنا جيتحقق المثل .. ما يقفش إلا الشاطر
 يا شاطر

(يدخل محمود)

- محمود — سلام عليكم
 حسن وعلى — وعليكم السلام ورحمة الله وبركاته
 (يسلم عليهما)

- محمود — بقى انا جاي دلوقت بالراحة .. بالهدوء .. وعاوزين
تقعد كده شويه تتفاهم
- حسن — أيوه ... أهو كده كويس
- محمود — نشوف مصالحنا اللي اتلخبطت دى
- حسن — بس طمننا قبله ... لقيت أخوك
- محمود — لقيته
- حسن — لقيته بجد
- محمود — أمال لقيته بهزار .. يعنى ايه لقيته بجد .. أما دى
غريبه .. ما كنتش عاوزنى ألاقيه
- حسن — يعنى هوه هوه ... أخوك
- محمود — غريبة قوى .. أيوه هوه
- على — (بنى) هوه هوه اللي شاغلنى هوه
- محمود — هوده وقت غنا
- على — وقت غناوبس .. ده احنا لازم نقيم الأفراح والليالي
الملاح .. صاحبي وكانوا قالوا مات وبعدين ظهر أنه
عائش .. ما اغنيش .. لو اعرف أزغط كنت
زغط
- حسن — لكن أنت متأكد أنه هوه

- محمود — إلا متأكد .. هو أنا حاتوه عن أخويا .. لكن ايه لازمة ده كله .. انت عايز تشرح بيه
- حسن — يعنى هو بدقنه
- محمود — لا .. مش بدقنه .. ماهو لما التيار جرفته حصلت له بعض اصابات .. انطس فى مركب واتمور .. علشان يعملوا له عملية فى وشه حلقوا له قننه .. راجل شاف الهوايل .. معقول يتغير
- على — معقول قوى قوى
- حسن — يا على .. احنا دلوقت فى كده .. خليك جد .. معنى أنت متأكد على كده أنه أخوك
- محمود — طبعا .. أخويا
- حسن — ولما شافك .. عرفك على طول
- محمود — لا .. ما عرفنيش .. لانه بيخرف على خفيف
- على — ما تأخذونيـش إن خرفت أنا راخر
- حسن — بيخرف ازاي .. من ايه
- محمود — من نتيجة الحادث .. ويتسكلم يمـين وشمال بيقول خطيـتي .. مراني .. ابني
- حسن — بيقول ابنه
- محمود — ما أنا كنت فاكر ان زكية نصابة

- على — لا ... لا ... لا ... لا ... ده ظهر أنها ست شريفه
جداً
- محمود — صاqqه ... مسكينه الوليه ... أتبلت يه ... ده مصيبه
لكن أنا بقى اللى حاتحمل ده كله ... وقال المغفل ما
كانش يستكفى بيا ... كان خاطب ... لكن أتم
تسرحوا يه قوى ... أنا فى الخمسية جنبه
- حسن — خمسية جنبه أيه ... أنهيه
- محمود — بلاش استعباط ... احنا قلنا عاوزين نحل المسألة بهدوء
- حسن — مسألة أيه ؟
- محمود — مش عاوزين نخش مع بعض فى مشاك كل ... أالراجل
وظهر ... وأنا بانكلم بكل هدوء أهه ... لكن بعدين ...
- على — بلاش بعدين دى ... الهدوء حلو قوى قوى
- محمود — بس له حد ... النهارده أنا حاعمل اللى عليه ...
وبعدين ... يبق كل واحد يتحمل بقى نتيجة عمله
واستعباطه ونصبه ... دلوقتي مافيش محل للوصية
خالص
- حسن — وصية مين
- محمود — وبعدين بقى ... انت مش عارفتى كويس ... هو
ما كلشكش عنى ... حسن البامبيني صاحبك ما كلشكش
عنى ... ماتر فنيش ولا أيه ... أنا وحش ... وحش
قوى وحلو قوى

- حسن — كلنا بقينا وحشين
- محمود — يعني حضرتك راجل جدع ... تضحك عليه ... من
نسل الاسكندر زى ما بتقول
- على — مقدوني ... مقدوني ونص
- محمود — لا حترد المبلغ ... عندى الطريقة (يقوم مهدداً) ...
ما تفتكرش إنك تهرب منى ...
أجيبك من أيدين الجن الأحمر ... من بين العفاريت
الزرق
- حسن — اسمع ... بس ... اسمع ... أخا الأول نشوف حكاية
الراجل النصاب ده
- محمود — هو فيه نصاب غيرك
- حسن — الراجل اللى يقول أه حسن لبامبين
- محمود — ده نصاب .. مين قال أنه نصاب
- حسن — ما هو ده مش أخوك
- محمود — انت حتجنى والآيه
- حسن — يمكن ما تكونش شفته كويس
- محمود — يا ناس ... يا عالم ... يا بنى آدمين ... يا قروء ...
يا جن ... يا شياطين ... أنا ... محمود ... ما أعرفش
أخويا ... ما تمرحش بيه .

- حسن — يعني هو هو هو
- محمود — هو هو بتقل دمه ... بسخافته ... رخامته بيلويه ...
بيلادته
- علي — حلو
- حسن — بتقول ما كلكش ... بيخرف
- محمود — ودي جديدة عليه ... ما هو طول عمره عايش بيخرفه
هو التخريف جديد عليه
- علي — هو التخريف جديد عليه
- حسن — يعني عرفته
- محمود — انت يا بن آدم إيش دخلك في عيلتنا
- علي — حقيق يا أخى .. راجل وأخوه .. إيش دخلك بناتهم
- حسن — ما هو صاحبي ياسى على زى ما هو صاحبك
- محمود — شوف الراجل القارح .. بقى صاحبك زى أخوك ...
ما لكش أخوات ... ما تعرفش حب الأخ لأخوه
- علي — (يقبل محمود) يا سلام ع الحكم .. حقيق حب الأخ
لأخوه .. انت بتحب أخوك يا محمود
- محمود — مش أخويا .. أهو مجنون مثلاً دلوقت .. برضه أخويا
كان زمان بيخرف برضه أخويا ... كان مقرف ...
برضه أخويا
- علي — تشكر على المواقف النبيلة دى
- حسن — كان نفسى بس أشوفه

- محمود — دخلك انت ليه بقي
 حسن — مش صاحبي
 محمود — لما هوه صاحبك ... كنت ليه بتدعى أنك حسن
 البامبيني ... كنت عاوز تستولى على ثروته ومراثة
 وخطيبته
 على — وابنه
 محمود — فكرتني .. وابنه كان
 حسن — يعنى ماليش حق انى أزور صاحبي
 محمود — ياسيدى ... حتشبع منه ... حينخرج بعد كام يوم ...
 وحاجيبه لك لغاية عندك ... ابقي كله ... قرقشه
 حسن — أنا باعرف آكل حد .. خلى اللي بياكلم بياكلم
 محمود — ما تعرفش تاكل حسد .. ده انت كلتنى أنا .. كلت
 محمود اللي عمدش عرف ، ياخذ منه ملهم .. كلت منى
 خمسمية جنبه .. لكن ده بعدك
 على — أبوه .. الحكاية حتعلى قوى قوى قوى
 حسن — كل الناس واكلى .. فاطمة .. زكية .. الولد اللي
 فى بطنها .. الراجل اللي فى المستشفى
 محمود — وانت مالك انت ومال حسن البامبيني إحنا عيلة محترمة
 على — مش صاحبه ... وصاحبه الاوحد

- عُمود — یعنی عایز حضرتہ مادام صاحبہ .. لا ینخطب ولا یتجوز ولا یخلف ... کفایۃ علیہ المقدونی ... ما فیش ع الحجر غیرہ
- علی — حقیقی یا اخی ... مادام أنت صاحبہ ... عاوز تکنون. أنت خطیبته و مراته وابنه و هوہ کان
- محمود — دی أخلاق إیه دی ... ده أنا الی اسمی أخوه والوارث له مش زعلان
- حسن — مش یمکن ... یمکن الی بتدعی انها مراته دی ... یعنی ... بقی (تدخل زکیۃ)
- زکیۃ — عینی علیک یا حسن ... عینی ع الی صابک یا حبیبی کان زی الوردۃ (موحۃ کلامہا لمحمود) انا سألت علیک قالوا إنک هنا و همہ حددوا لخروجه النهارده .. قلت لازم أخوه یبچی معا یا ناخذہ
- محمود — کتر خیرک یاستی ... والله اتی مسکینہ ... اتحملتی کتیر وحتیحملی کتیر ... طلعنی أحسن من ناس کتیر قوی قوی
- حسن — ہیہ راحت له
- زکیۃ — ما روحش لجوزی .. هو أنا قلیۃ الاصل
- حسن — و عرفک ... عرف انک مراته
- زکیۃ — حۃ عینی ... هوہ عرف حد غیری

- محمود — ده أول ما شافها راح واخدها بالحضن
 زكية — وأخويه كان زاره قبل منى وعرفه
 حسن — أخوكي! (لعل) - بعثت أخوها الأول يتفق مع النصاب
 زكية — كان دى فيها حاجة ... عمرك ما سمعت أن واحدة لها أخ
 على — آه حقيقى عمرك ما سمعت أن واحدة لها أخ
 حسن — وعرفتيه
 زكية — هو إيه الكلام الماسخ ده ... عرفك ... عرفتيه ...
 لىكى أخ ... دى عشرة عمر ... علشان ما هو تعبان
 اسبیه ... هو أنا قليلة الأصل ... والا عايز تقول
 حاجة تأتية ... تعرف ياسى محمود ... الراجل ده
 (تشبر لحسن) اللى كان بيدعى ايه حسن ... عرض
 على أتجوزه
 حسن — أنا عرضت أتجوزك والا اتنى
 زكية — قطع لسانك ... انت إيه انت ... انت قسوى إيه جنب
 جوزى
 محمود — يا نهارك باين ... انت ايه ... أنا وقعت فى ايدين
 مين ... ايه اللى رماك علينا ... لكن معهلش
 زكية — هوه عمل فيك حاجة
 محمود — حاجة ... لكن هوه مين ... ده أنا محمود ...
 دوره ... بس اتنى حتسبى يا ست زكية من تخريف
 حسن لما يطلع من المستشفى

- زكية — أنا اخدمه وأخدهك يا راجل يا شهيم برموش عنيه
- حسن — يا محمود... أنا بس بدك تسمع منى... ها ودنى على
قد عقلى... الراجل اللى بتسكلم عليه ده...
- زكية — الراجل مين جوزى... ما تجيش سيرته على لسانك
- محمود — سييه... سييه... ماله... الراجل ده
- حسن — مش يعنى يمكن... ما دام بيخطر ف... يكون مش
هو حسن
- محمود — لكن عرف مراته... خدها بالحضن... يبقى كلام
حضرتك ايه
- حسن — بيخطر ف ليه... ازاي
- محمود — يا سيدى حاجة طبيعية جداً
- حسن — طبيعية جداً...!
- على — وجداً طبيعية
- محمود — راجل شاف الاحوال وحصلت له صدمه . ضرورى
يخطر ف... ويخرف... الصدمة الصدمه
- على — (لحسن) تكونش دى مراتك حقيقى
- حسن — (لعللى) يظهر أنا اتجننت
- على — (لحسن) ما هو عرفها ايه
- حسن — يعنى هو قال لما أهلا بالست بتاعتى

- محمود — علشان تعرف انك راجل فاضى ... وعلشان تعرف
ان ما فيش فايده وانك انكشفت .. وعلشان تخلص
كل اللي عندك ... اسأل زى ما انت عايز ... عايز
تقول ايه
- حسن — يعنى هيه مرانه حقيقى
زكية — أهو أخوه يقول لك
محمود — بكل حاجه ماهيش حقيقة... إلا حضرتك... مافاش
حاجة حقيقة إلا حضرتك
- حسن — يعنى عرف اسمها
محمود — طبعا وخدها بالحضن ... وده طبيعى
حسن — وبقيت الناس عرفهم
محمود — طبعا لا ... لأن الصدمة كانت شديدة وده شىء طبيعى
زكية — هوه حقيقى لانا غمضر وإلا ايه ... هوه ايش ادخله
بين الست وجوزها وسلفها
- على — حقيقى ايش دخله بين الست وجوزها وسلفها
زكية — أنا مالباش حد غيره ... والبركة فيك ياسى محمود ...
انت سد ورد لانا كلنا
- محمود — حقيقى هوه ماله ومالنا ... هوه دخله ايه
على — حقيقى هوه دخله ايه

محمود — يا الله بيتنا يا ست زكية نروح لحسن أحسن يستغيثونا ..

(لحسن) أنا بس علشان كرامة الست مش عايز اكلبك

دلوقت ... لكن راجع لك ... بعد ما ينخرج حسن

حاجيلك مره واحده وبعد كده كل واحد يشوف شغله

زكية — يا الله بنتا ياراجل يا طيب يا الله ... لإنشاء الله تعيش

لحسن وحسن يعيشلك

محمود — يا الله ع المستشفى

زكية — يا حبيبي يا جوزي .. محدش عمل فيه العملية المتيله دى

إلا أصحابه دول

محمود — الله ... صحيح .. يكونش علشان الوصية والموس

والادعاء عملتم فيه كده .. رميتوه فى البحر بس ...

بس ... أنا حاعرف شغلى ... حاتخذ اجراءاتى ...

إلا إذا دخل عقلك فى رأسك يامى مقدونى وانت

يامى على

على — وعلى داخله ايه .. أنا ماليش دعوه خالص

محمود — لا .. لا .. ست زكية خلتنى افكر حاجات .. شيخ

الفقر قال لى بينى وبينه إنك كنت معاه ع البحر يوم

ما وقع فى البحر

على — أنا أبداً

- محمود — ازای . مین عارف . جایز أنت الی زقیته .. جایز
المقدونی . جایز عملتوها مع بعض .. مؤامرة عشان
تستولم علی فلوسه . هیه کده .. ما فیش غیر کده
- زکیه — تمام یاسی محمود . تمام هوه ده
- محمود — ده أتا ری أخویا مسکین ومراته مسکینه
- حسن — مسکینه
- محمود — آه طبعاً .. تعمل ایه فی الی و بطنها .. یا الله بینا
یا ست زکیه .. یا الله یاست الستات .. أنا حاعمل
اجراءاتی (فی طریقهم لی الباب)
- علی — وأنا الی دخلت فی الموضوع بدون مناسبه ...
استلم یا علم

الفصل الثاني

المنظر الثاني

نفس الحجرة

مدعى حسن — يا أخويا على راح ينده للمقدونى .. ما جاش
عسران — يمكن مالفاهوش .. ومحمود اسه ماجاش
مدعى حسن — محمود ده ظريف قوى .. فى الأول لما جه المستشفى ..
وشافنى قال عليه ده مش أخويا أبداً .. ولما قلت له
يا أخويا ده أنا حاسل لك توكيل وتبقى المتصرف
على كل شىء بقيت أخوه

عسران — الحكاية كانت غريبة قبرى . أنت قرئت خبر غرق
حسن بك البامبى فى الجرايد وبعدين خبر النزاع على
الجنة .. جتنا فكرة انك تدعى أنك حسن وكنا عاملينها
ضحكة ... وبعدين لما حصلت لك الحادثة وانطشيت
فى العوامه ... سقنا فيها

مدعى حسن — بس فيه حاجة ... دلوقى اتين ستات واحدة وزوجه
وواحدة خطيبه

عسران — ياسيدى حد لاقى ... أملاك وأطيان وزوجه وخطيبه
وأشياء معدن ... الخطيبه دى أمرها سهل ... ابقى
سيها لى

مدعى حسن — بس أصحابه دول جايز يكونوا تعالب
عسران — ولا تعالب ولا حاجة ... أنت أمشى فى الطريق اللى
أنت ماشى فيه ... تاخذ اللى تاخده بالحضن ...
وساعات تصهين ... والحاجة السهل تجاوب عليها

مدعى حسن — والصعبة انته واخلطرف
عسران — وأهو الأستاذ النفسانى قال
مدعى حسن — لا ... أنا حامل زى ما قال (يقوم مدعى حسن بمثل)
عنده فقد ذاكره ... متقطع ... شوية بيقى طبيعى
خالص ... وشوية بيقى غير طبيعى خالص ... وشوية
ببقى طبيعى خالص وغير طبيعى خالص يعنى نص
ونص مفهوم

عسران — برفوا عليك ... ممثل قدبر
مدعى حسن — بس أنا مش خايف الا من الأستاذ ده
عسران — ياسيدى المسألة تستاهل ... وأنت طول عمرك غاوى
تمثيل ... وأهو جالك أحسن دور ... الدور ...
الدور الخالد ... يعنى أحسن م الى كت بتعمله

- مدعى حسن — ما أحنأ فى الهوا سوا
 عسران — عل كل حال ده الدور الخالد
 مدعى حسن .. ده دور طويل قوى عازز العمر كله ... أمثله للعمر
 كله ... أما الحكايات دى اللى يالك فيها .. كنا بنعملها
 ساعة ... اثنين ... يوم ... اثنين
 عسران — وما له الرواية بتتجح لما بتتمثل أسبوعين .. شهرين ..
 سنة ... لكن دى انجح رواية حتمثل طول العمر
 وانت البطل
 مدعى حسن — بس خايف دور البطولة ده ياخذ عمرى ... احنا
 عاملينها كوميدى ... يمكن قلب تراجيدى
 عسران — يبقى تجديد ... ما هو دلوقتى فيه اللى بيسموه
 ترجيكوميديا
 مدعى حسن — برضه أنا مش مطمئن
 عسران — ياسيدى اطمئن ... اطمئن ... ده انت بقيت ممثل
 مهول .. ومؤلف ومخرج كان .. وحتلى غيرك
 يمثل كان .. ما هى الحياة تمثيل فى تمثيل
 مدعى حسن — مش ممكن الرواية تكون أكبر من الممثل
 عسران — دى رواية مالهش نظير .. والظروف هى اللى عملتها
 مدعى حسن — بس النهاية
 عسران — حشكون ليه النهاية .. نهاية الحياة كلها معروفة ..

حتكون أوحش منها أبدا... قد امك الناس كلها .. بلاش
 بص للرواية دى نفسها .. حتكون نهايتها أوحش
 من نهاية حسن البامبني الى غرق .. أوحش من
 حياتك الى كانت ...

مدعى حسن — بس .. بس
 عسران — أوحش من يوم ما انطسيت فى العوامة .. الحياة
 أخرتها واحدة معروفة للكل
 مدعى حسن — حاسب فى الكلام .. حاسب .. أنا سامع حسن رجلين
 (يفتح الباب .. يدخل على ومعه حسن)

على — أدبنى جيته أه
 حسن — سلام عليكم
 عسران — عليكم السلام
 على — (يشير الى مدعى حسن)
 حسن — (يذهب نحو مدعى حسن وبصوت عال) سلام عليكم ...
 مش سامع

مدعى حسن — أه .. آه .. كويس بخالص
 عسران — يخطر فى .. أصله تعبان النهاردة .. (يقترب من
 مدعى حسن) ده بقى حسن المقدونى صاحبك ...
 حسن المقدونى صاحبك .. مش عارفه

حسن — صاحبك

- عسران — خليك معنا شوية
مدعى حسن - خليك معنا شوى ... شوى ... خد عيني
- عسران — جاله الدور يظهر ... هو اخوه مش جاي دلوقت ...
اهوه على كده .. ساعات يبقى طبيعى خالص ..
وساعات يبقى وحش خالص ... وساعات يبقى نص
نص انا قربت اكفر بقى
- حسن — وتكفر ليه ... ما تخليك مؤمن احسن
- عسران — والله من يوم ما اتقذته م البحر وهو مطسوس فى
العوامة ... وانا مكلفنى امشى معاه والواحد هلك
- حسن — مش بيدواك عرقك
- عسران — أيوه بس الواحد يحب يتعامل مع راجل طبيعى ...
مش واحد كل ساعة فى حال
- حسن — وحضرتك يعنى اتقذته ازاي
- عسران — انا عارف انى حانسل فى الحكاية دى مية مرة ...
طبعته ع الماكينة ... اهى (يخرج من جيبه رزمة أوراق
يطلى له ورقة)
- حسن — (يتناولها) بس بدنا ندردش
- عسران — والله ما بقى فيه مخ للدردشة ... اهى عندك الورقة ...
انا غلبت دردشة
- حسن — (ليل) شايف اللثيم علشان ما ينكشفش

- على — (حسن) لا سيك منه ... المهم الثاني
- حسن — (المدعي حسن) أهلا ... أهلا ... أعز الحبايب فاكرنى
- هدعى حسن — (يهجم على حسن محضنه) آه ... آه ... تمام .. تمام
- (يقبله لحد المضايقة)
- عمران — مش فاكروه ... حسن .. صاحبك
- مدعى حسن — (يهجم على حسن يقبله لحد المضايقة وهو يكرر آه تمام تمام)
- عمران — والثاني على — صاحبك
- (يهجم على على محضنه) آه ... اه ... تمام تمام
- (محضنه لحد المضايقة) (يدخل محدود) ... سلام عليكم
- (ويهجم مدعى حسن ومحضنه) آه ... آه ... تمام تمام
- (محضنه بلا مضايقة)
- محمود — مسكين ساعات يبق طبيعى خالص وساعات يفقد
- ذاكرته .. وساعات يبق نص نص
- حسن — ربنا يشفيه ... ربنا يشفيه (وجهها الكلام لعمران)
- لكن ازاي لما فقد ذاكرته عرفت أنه حسن البامبيني
- مادام ما يتكلمش
- عمران — وقت المصادمة زعق ... الحقوقي الحقوقي ... أنا
- حسن البامبيني وكان في جيبه الجواني شويه أوراق
- حسن — لكن ده شيخ البلد قال أنه قلع هدومه
- عمران — يظهر حضرتك ما بتقراش جرايد ... قلع هدومه

القواقیه ... کان عاوز ینقذ الواد فرمى نفسه بهدومه
التحتانیة ماهى دى بقى سبب أن التیار جرفه

حسن — آه كده يا حسن (موجه الكلام لمدعى حسن البامبى)

مدعى حسن — حد بيكلمنى ... أنا فين ... أيه اللى كده

محمود — أهوا بتدأ يفوق

عسران — حضرتة حسن المقدونى صاحبك

مدعى حسن — (يهجم على حسن البامبى) أهلا ... أهلا ... صديقى

العزیز... أهلا ... أهلا بالراجل اللذيذ

حسن — اللذيذ

مدعى حسن — أهلا ... أهلا بالذهب الابریز

محمود — أهي دى كانت لازمته تمام ... لازمة أخويا

حسن — يا شيخ

عسران — و حضرتة

مدعى حسن — على . على بتاع الزيت (يهجم على على) أهلا .. أهلا ..

يا بتاع الزيت . . نورت الحته واليت وشنبك م المحيط .

لحيط (منضمه)

محمود — تمام دى لازمته

على — تمام ونصر وزرع

محمود — انت بتالس

مدعى حسن — أنا حسن .. موش حسن .. وحش .. موش وحش .. -
تمام .. تمام

محمود — كده .. بقى دى الصداقة تخلوه يتلخبط تانى
(يرت على كتفه) ملعش .. ملعش روق .. روق ..
رووق يا ابو على

عمران — والنبي ترووق .. سايق عليك النبي ترووق .. دوله
بيضحكوا معاك .. خليك معانا .. أخوك أهه ..
وزمان مراتك جايه ويمكن خطيبتك .. فرحهم ياشيخ
وارجع لعلك

مدعى حسن — هاعمل فرح .. كبير .. كبير
محمود — (الحسن) أهو ياسيدي أخويا .. أدبك شفقه بعينك
وعرفك وعرف على مافيش داعى للوصيه ايدك بقى
حسن — آه .. آه .. تمام .. تمام أنا حسن .. موش حسن ..
وحش موش وحش هاعمل فرح كبير

محمود — (الحسن) بلاش استعباط بقى أختا بنهر
(تدخل زكه)

(يراها مدعى حسن فيهم عليها عنفضا لياها)
مراتى .. حبيبتى أم أولادى

حسن — والله عال (لعل) بقى ده يبقى حسن .. تكونش الوليه

مراته حقيقى .. وهوه ادعى أنه حسن وهيه مراته

على — (الحسن) تبقى مراته بحق وحقيقى بقى

محمود — شفت ياسيدى (الحسن) علشان تعرف أنه حسن صحيح...

أهو عارف مراته

حسن — (محمود) ودى مرات حسن .. مش كنت بتقول عليها

مدعيه

محمود — الرجوع للحق فضيله .. لما عرفها .. عرفت أنها مراته

حسن — يعنى بثبت أنها مراته بيه هوه وثبت أنه حسن بيه هيه

عظيم جداً

محمود — بلاش بقى هزار بايخ .. آدى الجمل وآدى الجمال

حسن — لاده موش حسن

مدعى حسن — حقيقى موش حسن (يذنب نحو زكية) انت اللى حسن

يا جميل (بفى) ياخولى الجنية... ادلع يا حسن

زكية — كبدى عليك .. حيموتوك أصحابك ماتصلو على النبى

وتغلوا الراجل يرجع لنفسه

حسن — ياسيد محمود حسن حسن أنا أيش دخلنى .. الوصيه

وخذتها .. قطعتها

محمود — والخسمية جنيه

عسران — بتكلم فى آيه دول سايين الراجل يهوى . يا الله
ياشيخ .. يا الله
(فاطمة تدخل)
حسن — مين .. فاطمة
عسران — آه دى خليته

مدعى حسن — (بهجم عليها بمحضها) خليتي .. خليتي (فاطمة تتخلص منه)
زكية — (لفاطمة) بقى اسمى أحسن حاجه ابتعدى عنه ..
الراجل مدووش وعاوزين نرجعه لعقله .. جنتوه يا عالم
فاطمة — ما هو أنا ما أصدقش أبدا أنه متجوز .. مش معقول
محمود — وبهدين بقى .. ياستى حلّى عنه .. وحلّى عتنا
فاطمة — أنا بس عايزه أعرف آيه كان فى الوصية .. مجرد العلم
بالشئ

محمود — بقى كده .. وصية آيه والراجل عايش .. مش ده حسن
فاطمة — حسن .. طبعا .. حسن
حسن — طبعا (لعل) آيه ده يا على
على — (لحن) استلم يا عم ما فيش اجماع على باطل ... لازم
هو حسن

حسن — (لعل) وأنا
على — (لحن) أنت المقدونى على سن ورمح ... خفيد
الأسكندر الأكبر ... نسل الملوك والأمراء .

- فاطمة — (مقتربة من مدعى حسن) بس يا حبيبي ... اتذكر
شوية ... فاكر الوصية (وهى تنظر لحسن تريد اغاظته)
مدعى حسن — الوصية ... النبي وصى على سبع جار
فاطمة — اتذكر شوية ... شوية ... أحمل الوصية ضاعت
مدعى حسن — ضاعت ... نخبز غيرها
عسران — أوعى تعارضيه
فاطمة — طيب نخبز غيرها ... طيب كان فيها ايه
مدعى حسن — دقيق وسمن وزبيب
فاطمة — دقيق وسمن وزبيب
محمود — ياست فاطمة هو ده وقته
فاطمة — علشان هنا المقدوني اللي ضيع الوصية ... الخايب ...
البايخ ... السخيف
حسن — الخايب — البايخ السخيف !
فاطمة — (لنفسها) أما أغيظه (لحسن) أمال اللي يضيع
الحاجة يقي ايه !
محمود — دى كانت حكاية نصب
فاطمة — طيب أسبيكم دلوقت
محمود — أما الراجل يخف يقي فيها فرج
فاطمة — وأنا بعد ما عرفت أنه متجوز يخلصنى لى اتجوزه
واهدم بيت ... ده أنا كنت مش عارفه أنه متجوز ...
عن أذنكم

مدعى حسن - إذنك معاكى يا خطيبة الهنا ...

حسن - فاطمة ... فامة ... تعالى ... عاوز أقول لك

محمود - تقول لها ايه ... الراجل ده حشرى بشكل

مع السلامة ياستى مع السلامة

(تخرج فاطمة)

حسن - (لى) الراجل ده ممثل جبار

على - (لحن) ممثل بس ... ومؤلف ومخرج وجمهور

ونقاد ... ده عالم لوحده

(يدخل شيخ الغفر)

شيخ الغفر - سلام عليكم

الجميع - عليكم السلام ورحمة الله وبركاته

على - شقة غريبة يا شيخ الغفر فيه حاجة

شيخ الغفر - طبعاً فيه حاجة ... أنا مكلف بتنفيذ أمر نقل الجثة

لعيلة الماردنى

محمود - طيب ما أنا أدبت إقرار بالنقل وتنازلت عن التمسك

بعدم النقل

شيخ الغفر - أنا بقى فكرت مادام حسن بك نفسه ظهر فلازم

هوه الى يتنازل عن الجثة ... مش جسته !

حسن - جسته

شيخ الغفر - فأنا كتبت اقرار لازم يمضى عليه حسن بك بالتنازل

عن الجنة والتصريح بدفنها في مقابر الماردني بدل
الباميني حيث أن حسن الباميني ظهرت جثته حية
والأشياء معدن

محمود — يعني عايش ... قصدك كده
شيخ الغفر — لازم الكلام يكون كده ... الكلام الرسمي
له أصول ...

عمران — ولأزمة الإقرار ايه مادام الراجل جه بنفسه
شيخ الغفر — القانون كده ... مين عارف ... يمكن يجد في الأمور
أمور ... ماهي الحكاية لخبطت قوى

على — كل شيء جايز
شيخ الغفر — أنا اجزآ اتى لازم تكون سليمة ... أنا راجل دوغرى
حسن — يعني عاوز ده (مشيراً على مدعى حسن) يكتب
الإقرار

شيخ الغفر — وده مالوش اسم ... مش حسن بك الباميني على
سن ورمح

حسن — أنت متأكد
شيخ الغفر — ده أنا شيخ الغفر ... وأنا فيه حاجة تخش عليه
حسن — يعني هو ده حسن الباميني

شيخ الغفر — أنا عارف أنت عاوز تقول ايه ... عاوز تقول
دكها كان بدقن بوده لم له دقن ... أنا بقى بظفريه بارسم
له اللقن ... أما لما المجرم يهرب ويخلق دقته وشبهه

بامسكه لزاى ... بنظره ارسم له الدقن ... أو لما
يكون حلق ويعمل شنب ودقن ... بنظره باشيل
له الشنب والدقن

على — عبقريه ياشيخ الغفر ... بقى انت رسمت دقته
شيخ الغفر — فى غنى ده اللى ما تفوتش عليه حاجة المليون زكاوة ..
وعارف عاوزين تقولوا ايه كان . . ان ده قصير
شويه . . . مايمش . . ده من الحادثة ... انا رسمته
فى غنى ده لقيت الطول واحد ... مايمش واحد
يقصر نفسه يطول نفسه انا راسمه

على — ما هم يقولوا يقصروك باليل ويطولوك باليل
شيخ الغفر — يقولوا ما يقولوش كله فى المنخ ده ... الزكاوة
ما تفوتش عليها حاجة

حسن — طيب أمال الجثة ما هى ظهرت انها مش لحسن بك
البامبني زى انت ماقلت فى الأول

شيخ الغفر — أنا جبت الجثة وبس . . الكل قالوا انها لحسن بيلك
البامبني . طلبتم جثة . . . جبت جثة . وكتر الكلام
ده لا زمته ايه يعنى أنا جاى علشان امضا وبس . .
يا سعادة اليه (موجه الكلام لمدعى حسن) امضى هنا
(يقدم له ورقة)

مدعى حسن — آه . . امضى هنا . طيب . . لا . . بعدين . . امبارح
عسران — أصله ييفقد ذاكرته

شيخ الغفر - لازم معايا يلاقيا .. اسمع أنا شيخ الغفر .. أصل أنا
واخذ عليه وواخذ على .. امضى

مدعى حسن - الجثة لقيتوها .. خلوها مطرحها .. عاوزينها تعزل
ليه ... هيه الجثة اللى حتقلوها فيها .. فيها تكيف هوا

شيخ الغفر - ظريفة دى .. امضى .. طول عمرك ظريف

مدعى حسن - لا .. آه .. بلاش بفلوس .. تكيف هوا

شيخ الغفر - ما هو لما تقعد ميت سنه لازم تمضى يا اما ابصمك

مدعى حسن - امضى قيس

شيخ الغفر - دى لازمة حسن بك كان تملى يقولها .. ظريف قوى ..
لازمته تمام

حسن - يا شيخ

شيخ الغفر - مش يا شيخ بس ... لازم يا شيخ الغفر .. امضى ..

أنا شيخ الغفر على سن وريح ومدفع وصاروخ كان

مدعى حسن - وادى امضى .. وكان امضى وكان امضى

شيخ الغفر - ظريف يا حسن بك .. طول عمرك ظريف .. تمام
حسن بك

حسن - مضى

شيخ الغفر - طبعاً

حسن - وانت عارف امضى اليا ميني

- شيخ الغفر — دى أم عندى من الامضاء
 حسن — طيب وريتا كده
 شح الغفر — اهى
 حسن — الله ده كاتب بصل . . بصل
 شيخ الغفر — ما هو حسن بك وهو صغير كنا بنقول له حسن بصل
 فى التقلية
 على — (الحسن) استلم يا عم ... ادى حاجة ما كاش نعرفها
 عنك
 عسران — يا سلام ... الراجل اتذكر طفولته ... لازم حيرجع
 جبه جبه
 حسن — بقى كده ... ما تسكلم يا أخوه ... ما تسكلم يا محمود
 محمود — ودى عاوزة كلام
 حسن — يا ناس حجتونى ... بقى ده حسن
 محمود — ده حسن ونص
 مدعى حسن — انا حسن بصل فى التقلية
 شيخ الغفر — ده أنا افرزه وسط الف . وسط مليون
 زكية — حبيبي يا جوزى ... همه ماله ممالك
 حسن — يا ناس يا هوه ده مش حسن
 شيخ الغفر — أمال يعنى لما ده لم يكون حسن ... بيتي فين حسن

- حسن — فین حسن انا أقول لكم
 على — حتمل ايه
 حسن — يا أخى ما فيش فايده ... اسمع أنت وهو عاوزين
 تعرفم فین حسن
 شيخ الغفر — حلوه دى ... ما كنت تشطر كده قبل ما ييجى ... ده
 مش ناقص إلا يقول ان هوه حسن
 حسن — أيوه ... أيوه ... انا حسن البامبيني
 مدعى حسن — (يضحك فى شدة) اما نكته ... انت حسن بصل وإلا
 حسن أبو على حرامى المعزه
 شيخ الغفر — (باستهزاء) انا مصدقك عاوز ايه
 زكية — يا عينك باجبارك .. الدنيا مش قانعة حد
 حسن — ما تقول لهم يا على ... انى أنا حسن
 على — وانت شويه ... اثبت يا عم انك حسن
 حسن — اسمع انا حانهى الحكاية كلها ... انا حسن البامبيني
 شيخ الغفر — وانا تمثال رمسيس
 عسران — وأنا هتلر الثانى
 زكية — وانا كليوباتره
 محمود — (موجهها كلامه لحسن) هو ده وقت هزار ... يا سيدنا
 الأفندى .. ما تخيلنا فى حالتنا .. انت ما كفاكش
 ...
 الى عمله .. عاوز تهب التركة

- زكية — وياخذ حق الولد الى في بطنى
 حسن — ما انت طول عمرك واكثى (لحمود)
 مدعى حسن — فشر... ده سيدنا وتاج راسنا
 محمود — (لحسن) انت عايز تستغل فرصة عيا الراجل... أنا
 وانت والزمن طويل... أنا برضه حاعرف شغلى...
 يا الله يا حسن (لمدعى حسن) يا الله يا زكية .. ما فيش
 فائدة م الراجل النصاب ده (مشيراً لحسن)
 زكية — يا الله يا سلتى
 محمود — يا الله يا حسن
 مدعى حسن — على فين
 محمود — انت تتجدهن شوية وتقف للموازل . للراجل المدعى
 ده (مشيراً على حسن) وتاخذ بالك من اللى عاوزين
 يقتالوك... يا الله يا مدام حسن
 حسن — دى مش مراى
 محمود — طبعاً مش مراتك... دى مرات حسن البامبىنى...
 يا الله... يا الله... وانت «شيخ الفخر» مش خدت
 الإمضا مستقلى ليه
 شيخ الفخر — باتفرج على واحد أهبل «مشيراً على حسن»
 حسن — أنا أهبل... أنا حسن البامبىنى... أنا حاورىكم...
 يا نصايين... يا حرامية... يا مدعين... يا بوليس...
 يا نيابة

شيخ الغفر — انت اللى بتقده بوليس .أمال أنا ليه .. مش عاجبك

شيخ الغفر واقف ربقده بوليس ونيابة - ليه ... يعنى

أفلع هدوى بقى وارمى روحى فى البحر زى بعضهم

حسن — أنت مجنون باين عليك

شيخ الغفر — أنا مجنون - بتعتدى ع الحكومة .. طيب ع المستشفى

قدامى .. على مستشفى المجازيب .. أما أشوف مين فينا

اللى مجنون «معك حسن»

محمود — وانا أول شاهد معاك

حسن — أنا حاوريكم ... يامدعين ... يانصايين

« يحاول التخلص من شيخ الغفر »

شيخ الغفر — طيب .. طيب ... « يخرج من جيبه صفارة » ويضعها

فى فمه ويصفر تصفيراً طويلاً (حركة من الجيم) لأن

ما كنت أوريك انى أنا شيخ الغفر على سن ورمح

ومدفع وصاروخ (صفيح طويل)

« ستار »

الفصل الثالث

في مستشفى المجاذيب

حجرة الدكتور على المسرح إلى اليمين بها مكتب وبضع كراسي
ومسجل . إلى يسار المسرح حجرة اختبار يضعون بها المرضى لاختبارهم .
حجرة الاختبار بها سرير ومقاعد ...

حسن — (في حجرة الاختبار إلى اليمين جالساً يكتب في كراسة)
(تسمع بين كل لحظة وأخرى أصوات جلبة وضجيج آتية
من الخارج)

الدكتور — (جالساً إلى مكتبه في ملابسه البيضاء يكتب هو الآخر في
أوراق أمامه)

دكتور — (وهو يكتب) المريض عادى جداً إلا أن هناك فكرة
مسيطرة عليه أنه هو حسن البامبيني مع أن اسمه حسن
المقدوني .. تصرفاته فيما عدا ذلك سليمة

(يقوم الدكتور يتوجه إلى حجرة الاختبار حيث يجلس
حسن)

دكتور — سلام عليكم

- حسن — عليكم السلام يا دكتور
دكتور — ازاي صحتك دلوقت
حسن — أنا مش عيان يا دكتور
دكتور — أنا عارف أنك مش عيان ... أنت بخير ... أنت
كويس والحمد لله
حسن — أنا أوكد لسيادتك أني أنا حسن البامبني ... أنا
البامبني ياناس
دكتور — أنا عارف .. عارف .. مصدقك .. اعتبرني صديقك
ماثورش أنا جاي أساعدك
حسن — يعني أنت فاكر إني مجنون
دكتور — أبداً ... أبداً ... ما كنتش أديتك الكراسه والقلم
علشان تكتب حكايتك .. أنا متأكد أنك كتبت
حاجه كويسه
حسن — أنا كتبت الحقيقه
دكتور — كتبت أيه
حسن — كتبت الحوادث الى جرت من يوم ما فكرت في
الفرق ... يعني ادعاه الفرق
دكتور — يعني مقسم أنك فكرت في ادعاه الفرق ...
وريني ... وريني
حسن — افضل (يطب الكراسه)

دكتور — (يتناول الكراسة من حسن ويقرا) فكرت في الفرق
(يضع تحتها خط بقلم في يده) وافقت مع صديقي
على أنه يبلغ إلى غرقت (يضع تحتها خط وهو يقول)
صديقي على

دكتور — (لحسن) إلا يا أستاذ حسن على ده صديقك
من زمان

حسن — من زمان قوى
دكتور — يعنى متفاهمين قوى
حسن — ما عندكش فكرة يا دكتور ... كأنتا واحد
دكتور — يعنى هوه يقول أنك حسن البامبني
حسن — طبعا .. ماهو ده الحق يا دكتور
دكتور — كويس ... كويس

(يستمر في القراءة)

وكان ذلك لأسباب كثيرة

أولا — (يضع خط) أيوه أولا وثانياً وثالثاً دى مهمة
(يضع خط بعد نطق أولا وثانياً وثالثاً)
أولا — وضع يد أخني على أملاكي واستبداده بي
ثانياً — تسكر خطيبي لي وكنت ولا ازال أحبا
حبا جا

دكتور — تسكر دى حلوة قوى

- حسن — علشان تعرف
- دكتور — (مستمراً في القراءة) ثالثاً — قيلم مشاكل بيني وبين
بعض الناس نظراً لطيبتي الزائدة (الحسن) أنه
طيب قوى
- حسن — قوى ... قوى ... قوى
- دكتور — وعلى راخر طيب زيك
- حسن — أcha زي بعض
- دكتور — طيب ... طيب ... بس اللي كتبت ده هو اللي قلته
لناس... من الاول ... ما فيش حاجة جديدة ..
الرواية هيه بعينها
- حسن — مش رواية ... دي الحقيقة .. الحقيقة واحدة يا دكتور
أغيرها لزاى
- دكتور — على كل حال انا بعتنا جنبنا على صديقك وقبل مايجي
بدى أسألك بعض أسئلة
- حسن — انفضل أسأل على كيفك
- دكتور — تقدر تقول لى لزاى فكرت في ادعاء الفرق .. بلاش
أنت ... لزاى أى واحد يفكر في ادعاء الفرق ...
- حسن — يعنى ماسمعتش أن ناس غرقم أنفسهم ...

- دكتور — آه ... سمعت أن ناس غرقم أنفسهم... لكن الى يفرق نفسه مش طبيعي ... لكن اهو يفرق نفسه
- حسن — اهو انا بقى طبيعي ... لأنى ما غرقش نفسى ... ادعيت انى غرقت نفسى
- دكتور — ادعيت انى غرقت نفسى (دكتور لنفسه) الفرق نوع من الانحراف ... الادعاء يبقى أشد ... انحراف أشد والاعتقاد بأنه أدعى أنه غرق نفسه انحراف أشد «خسارة»
- حسن — فيه حاجة يا دكتور
- دكتور — لا بس بدى أفهم أنت غرقت وإلا لا
- حسن — انت فاكر انى مجنون بتوجه لى الأسئلة دى ... غرقت ازاي ... ما أنا قدامك ايه ... أنا موجود
- دكتور — مفهوم ... مفهوم ... انت موجود يا شاطر كويس قوى ... عظيم ... طيب بس بدنا نفهم إذا كنت غرقت وإلا لا
- حسن — أنا مش مجنون أقول أنا غرقان وأنا حى
- دكتور — طبيعى نزلت الميه علشان تفرق
- حسن — برضه لا... لا غرقت ولا نزلت الميه (الدكتور يستمر فى الكتابة بعد كل كلمة يقولها لحسن)
- دكتور — طيب اسمك ايه النهارده

- حسن — النهارده ! هو الواحد بيغير اسمه
- دكتور — ساعات ... ما تزعلش اسمك ايه
- حسن — حاقلها للمرة الألف اسمى حسن البامبىنى ... حسن البامبىنى ياناس .. استجهاها ... ح س ن — ال ب ا م ب ي ن ي
- دكتور — (لنفسه) ازاي خطلع من عزه أنه حسن البامبىنى
- «لحسن» ... طيب استهجي المقدوني كده
- حسن — أ . لام . ميم . قاف . دال . واو . نون . ي
- دكتور — (لنفسه) خسارة ما فيش إلا البامبىنى دى
- «لحسن» طيب اسمع (بعد أن ينظر للكراسة في يده)
- أنت بتقول هنا ، حابجا ، يعنى درجه حبا دى ايه
- يعنى درجه حبا .. دى ايه
- حسن — درجه يعنى ايه ... درجه جامعية
- دكتور — عارف في الامتحانات يقدرنا الدرجات من كام
- حسن — بعشرة وعشرين وثلاثين لغاية ميه
- دكتور — (لنفسه) خسارة الراجل ده
- (لحسن) طيب جميل ... جميل جدا ... تقدم
- حسن — تقدم ايه يا دكتور ... أنا عاقل
- دكتور — أنا عارف .. اجرامات بس ... شوية أسئلة

- حسن — انت فاكرنى مجنون وبأ تقدم
 دكتور — لا ما تاخدش فى بالك .. كلمه على لسانى ..
 دى مجرد ابحاث ... هو انت قاعد مع المجانين ... دى
 غرقه استراحة ملحقه بغرفتى
 حسن — آه اللهم طولك ياروح
 دكتور — يعنى لو فرضنا أن الدرجة النهائية ما به يبقى حبا جما ده
 يساوى كام
 حسن — يساوى مليون فى المايه
 دكتور — أيوه (يكتب الدكتور وهو يحدثه) يبقى فاكر أن المليون
 أقل من المايه
 دكتور — وهيه كانت بتحبك
 حسن — طبعا
 دكتور — كام فى المايه (نفسه) علشان تأكد من حكاية المليون دى
 حسن — مليون فى المايه
 دكتور — (نفسه) برضه فاكر ان المايه أكبر من المليون
 دكتور — (يكتب وهو يتحدث لنفسه) تمام ... تمام ... طيب
 يا شاطر
 حسن — شاطر
 دكتور — كلمه على لسانى .. خدنى على قد عقلى .. آمال إيه
 سبب زعل خطيتك .. لا استنى

انت كاتب كلمة كويسه (ينظر الكرامة) ايه سبب تسكر
خطيبك لك

- حسن — دقنى
دكتور — دقنك
حسن — آه . . كنت مربى دقنى زمان
دكتور — (يكتب) أيوه قول كده « مربى ، زمان (لنفسه) دى
عايزة بحث كبير (لعسن) كنت بتربيا ازاي
حسن — يعنى عايز أقول لك مدخلها مدرسة علشان تقول انى
مجنون (بعده) عايز أقول لك كنت بأوكلمها جاتوه ..
الواحد ييربى دقنه ازاي
دكتور — بلاش حكاية الدقن دى لأنك ثرت على امبارح لما جبت
سيرتها . . أعصابك بالنسبة لدقنك حساسة قوى

(يدخل ممرض)

- ممرض — فيه واحد اسمه على . . حضرتك عاوزه
دكتور — أيوه . . خليه ييجى
(لعسن) أهو صديقك جه
حسن — ابقى اسأله أنا مين ... شوف أنا مين
(يخرج الممرض ثم يحضر ومعه على وينسحب الممرض)
على — سلام عليكم
دكتور وحسن — عليكم السلام « يسلم عليهما »

- حسن — أهلا على ... إزيك ... اللي عايزه منك ... إنك تفهم الدكتور انى أنا حسن البامبيني
- على — طبعا ... انت حسن البامبيني ودى عايزه كلام (يقولها كمن يوافق غير عاقل على كلامه)
- حسن — يعنى إيه الكلام اللي انت بتقوله ده ... ما تسكلم كويس
- دكتور. — معلش يا على . أنا عاوزك بعد زيارتك لصديقك تفوت على فى الاودة بتاعى
- على — حاضر (يخرج الدكتور لفيفه)
- حسن — يعنى إيه الحركات دى
- على — اسمع يا حسن احنا دلوقت لوحدنا ... ماهى المسألة اتعقدت خالص خالص ... ولو أكاد انك حسن البامبيني ... جيعتبروني مجنون ويمحوشوني معاك . . ولا خطول سها ولا خطول أرض
- حسن — هوه أنا مش حسن البامبيني ... انت محتجى ... انت على تقول كلام بالشكل ده (بقلد على فى أقواله طبعا انت حسن البامبيني)
- على — ياسى حسن ... أرجوك ... انت قدام المجتمع مش حسن ... والأصلح دلوقت
- حسن — أظن أنكر نفسى .. جرى لك إيه يا على انت اتجنت

- على — إذا كان ده يريحك أيوه .. اسمع بس مراتك
- حسن — مراقى . انت بتقول مراقى
- على — يعنى مرات حسن البامبىنى .. بس أتكلم ازاي .
- الست دى الى بتدعى لإنها مراتك .. شهدت بأنه
- الراجل النصاب هو حسن البامبىنى
- وأخوك راخر اكده أنه هو حسن البامبىنى
- وشيوخ الغفر قال أن الراجل هو حسن البامبىنى
- وانت دخلت مستشفى المجاذيب لأنك قلت انك
- حسن البامبىنى
- فأنا لو سمعت انك انت حسن البامبىنى حيقعدونى
- معاك وفيه حاجة تانية
- حسن — حاجة إيه
- على — أخوك داير وراك برضه وعاوز يودينا فى داهية
- فلازم أعمل كده
- حسن — بقى ده اسمه كلام يا على . انت مش مكسوف
- من نفسك .. انت على كونة صديق العمر
- على — مكسوف من نفسى ازاي .. أدخل نفسى المستشفى
- وكان كونة دى بلاش يفتكرونا بمجانين
- حسن — حتكر نفسك .. مش اسمك
- على — لا بس احنا دلوقت فى موقف دقيق

ما هي المسألة م الأول ما كانتش تمام
أخوك واضح يده على أملاكك
اشتكيه

خليبتيك زعلاته من دقتك .. وبتحبها .. احلقه
دقتك .. ما بتحبهاش افسخ الخطوبة
لا . لازم تموت نفسك
لازم تدعي انك موت نفسك .. علشان تضحك على
الناس .. أم ضحككم عليك

- | | |
|---|-----|
| — يا سيدى حرمت .. حرمت أموت تانى | حسن |
| — بعد ايه .. ما خلاص رخا في داهية | على |
| — خنيد الكلام ونقول انت شريك في كل اللي حصل | حسن |
| — ما هو فيه مجتمع وله مقاييس ... الى يعيش | على |
| بين العرايا لازم يمشى عريان والا يبقى شاذ .. ثم
المجتمع ما كانلوش ذنب | |
| — يعني انت عاجبك دلوقت تصرفك | حسن |
| — أعمل ايه بس .. ما أنا عايف | على |
| — يعني أعيش طول عمرى في مستشفى المجاذيب | حسن |
| — ما دمت متمسك بأنك حسن البامبيني .. حتعيش
طول عمرك هنا في مستشفى المجاذيب | على |
| — يعني أنكر نفسى | حسن |

- على — ما انت أنكرتها يوم ما ادعيت الفرق .. خليك
ماشى كده على طول لغاية ما يفرجها ربنا ونقدر
نوقع الراجل النصاب ده
- حسن — أنا ما يمكنش أنكر نفسى .. لازم أثبت
على — خليك بقى .. يظهر إنك استحللت القعدة ..
بس ما لكش دعوه به .. سيدنى فى حالى
- حسن — أنا مصمم ومصر .. مش حاتزحزح
على — هيه رخره دى دفن .. مش حتلقها ... ما بلاش
إصرار بقى .. خليك مرن شويه .. جارى الناس
هيه الناس مالها
- حسن — يعنى أقول أنا مش حسن البامبىنى .. أنكر نفسى
لا يمكن .. كفايه بقى لحد كده .. كفايه .. كفايه
- على — كفايه إيه .. ما هو انت اللى جتبه لنفسك بنفسك
- حسن — تعرف إن ما كنتش حتقول إنى أنا حسن البامبىنى
حامسك فى خناقك ومش حاخرجك من هنا إلا
على نقالة
- على — حيقلوا عليك مجنون خطر ويعملوا لك إجراءات
تانية .. انت لما تخرج نحاول مسوى نوقع
النصاب ده
- حسن — إذا كنت انت بتسكرنى .. وأخويا ينسكرنى ..
وخليتى بتسكرنى .. خلينى هنا أحسن

- على — أهرده عيك... تيمسك بالي في دماغك
- حسن — يعني خطيتي عيطة... مش عارفة إن الراجل المدعى ده راجل نصاب... دى حاجة تطير العقل
- على — هيه ما شهدتش زى محمود وزكية وشيخ الغفر... استغفوا عن شهادتها... ما أعرفش كانت حقول إيه
- حسن — ويستغفوا عن شهادتها ليه
- على — علشان ياسيدى مراتك واخوك وشيخ الغفر اجمعوا على أنه حسن
- حسن — تعرف أنا با فكر في إيه دلوقت . إني اقعد هنا على طول... ما هو كان آخر أمل ليه فيك انت... خلاص حاقعد هنا على طول . امي كلها عيشة... الواحد عايز من الدنيا ايه... اكل وشرب ونوم... وخدمة... وناس طيبين... المجانيين احسن منكم... هنا احسن
- (يدخل المرض)
- المرض — يا استاذ على... تسمع تكلم الدكتور
- على — عن اذنك
- (يخرج على)
- (يدخل حجرة الدكتور)
- الدكتور — انت صديقنا لميم طبعاً
- على — ايوه يا دكتور (يتلاحظ أن على يكلم بضغط وأنه خائف من أن يتبروه مجنوناً)

- دكتور — كان عايش معاك
- على — كنا تملئ مع بعض زى الاخوات تمام
- دكتور — أنا بدى اعرف الظروف اللى مرت عليكم اتمم الاتنين واللى أوصلته للحالة اللى وصل إليها
- على — والله ما فيش ظروف مرت علينا احنا الاتنين ... يمكن مرت عليه هو ظروف ما اعرفهاش
- دكتور — طيب هو اسمه حسن المقدونى والا حسن البامبىنى
- على — هو اسمه حسن المقدونى
- دكتور — ما انتش شايف معايا ان ده اسم غريب شوية
- على — الاسماء ما تعلقش
- دكتور — طيب انت اسمك ايه
- على — انا اسمى على
- دكتور — على ايه
- على — على (مترددا) حسانين
- دكتور — كويس ... اتمم بتقرو تاريخ كبير
- على — علشان ايه
- دكتور — علشان المقدونى دى ... بدى أفهم إذا كان فيه حاجة ...
- اسم غريب شوية
- على — غريب ايه ... أمال البامبىنى

دكتور — البامبيني عيلة معروفة ... عيلة محترمة لكن بدى اعرف معلوماتك عن الشخص التاني

على — متين

دكتور — اخو محمود

على — اللى يدعى انه حسن البامبيني

دكتور — اللى يدعى ... هيه (يكتب) — اللى يدعى انه

حسن البامبيني - يعنى اللى جوه هوه حسن البامبيني

على — لا ... لا مش قصدى يعنى اللى يقول هو ده ...

الى جوه ... انه يدعى

دكتور — لا .. لا.. خليك على طبيعتك .. على طبيعتك خالص

ان كنت معتقد انه مش حسن البامبيني ... قول

على — انهوه تقصد

دكتور — اللى عايش مع مراته

على — يعنى مراته تقول عليه حسن البامبيني وأنا اقول لا

دكتور — برافو عليك

على — فيه حاجة يادكتور

دكتور — لا ... يظهر الظروف اللى مرت على المريض

مارتش عليك أو مرت عليك .. لكن أعصابك متينة

على — يعنى اخراج دلوقت بقى

- دكتور — لا ... أنا عايزك
 على — فيه حاجة
 دكتور — لا ... ما تخافش .. لأن أعصابك متينة عاوزك
 تختلّي بيه شوية وتحاول تقنعه انه مش حسن البامبني
 هو عنده حاجات تانيه لكن دى الالم .. المهم
 اعتقاده انه حسن البامبني حتخش عنده وتحاول ..
 على — طيب يا دكتور
 دكتور — خش عند المريض
 على — حاضر
 دكتور — بس عاوزك تساعدني باخلاص
 على — حاضر (يدخل عند حسن) هو والدكتور
 دكتور — ياسيدي خلافا للتعليمات حنسمح لصديقك أنه يقعد
 معاك قد ساعه .. على حسانين
 حسن — عل حسانين
 على — أيوه ... على حسانين
 حسن — (ينفجر ضاحكا) على حسانين مين ... ده على كونه
 دكتور — اسمك كونه
 على — لا ... حسانين
 دكتور — (لنفسه) ده بيته حاله بتزيد
 (يخرج الدكتور)

- حسن — أنت مش على كونه
 على — ياسيدى أحط نفسى موضع الشبهه ليه ... انت عارف
 أن الدكتور شاكك فى انى مجنون
 حسن — تستاهل ... علشان مابتقولش الحق
 على — لازم الواحد يبعد عن مواطن الشبهه ده قعد اختبرنى
 ووجه اليه أسئلته وبعدين دخلنى عليك
 حسن — وقعدك ليه
 على — علشان اقنعك أنك مش حسن البامبىنى ... يقول
 اعتقادك أنك حسن البامبىنى هو العله فأنا رأي
 حسن — أيوه ياسيدى
 على — أنك تعدل عن أنك حسن البامبىنى
 حسن — وبعدين
 على — إنك كان تحاول تقول أن المقدونى مش اسمك وتقول
 اسم تافى ... لأنه يقول المقدونى اسم غريب
 حسن — وبعدين
 على — يمكن يخرجوك
 حسن — بقى لو السبا انطبقت على الأرض لايمكن انى أتأزل
 عن اسمى ... حاقعد هنا .. أنا ليه مين فى الدنيا ...
 أخويا زى ما انت عارف وأصحابى

- على — وبعدين فيك
- حسن — وخطيتي... خطيتي... حتى مات زور نيش
(يدخل المرض)
- المرض — يا اقندم فيه واحد اسمها فاطمه عاوزه تزور المريض
- حسن — فاطمه... فاطمه... تيجي
(يخرج المرض)
- على — اسمع بقي حتعمل أيه
- حسن — حاعمل كل حاجة... إذا كانت فاطمة لسه بتحبني حاعمل
المستحيل (تدخل فاطمة) سلام عليكم
- حسن — أهلا فاطمه
- فاطمة — أهلا حسن... ازيك
- حسن — ازيك يا فاطمة... فيكي الخير يا فاطمة
- فاطمة — مات استاهلش ده كله يا حسن لكن
- حسن — لكن أيه
- فاطمة — القسه كده ما عرفش عملت في روحك كده ليه
- حسن — علشانك يا فاطمة
- فاطمة — علشان أنا
- حسن — كنت باجبك قوى يا فاطمة
- فاطمة — كنت

- حسن — وباجبك وحاجبك يافاطمة... شدة جي الى خلتى
عملت ~~سكده~~
- فاطمة — هوه الى يحب يعمل كده
- حسن — يعمل أكثر من كده... اتمسكت بدقنى علشان اختبر
بتحبنى لشخصى وإلا لا لكن ازاي ما عرفتنيش ا
- فاطمة — عرفتك... لكن زعلت من عملتك... وحييت أجاريك
علشان برضه اختبرك ولما الحكاياه اتعقدت حيت
أنف جنبك
- حسن — بتحبنى يافاطمة
- فاطمة — وأنا جي كان عاوز دليل
- حسن — وأيه العمل دلوقت
- فاطمة — (لعل) حقيقى أيه العمل دلوقت
- على — عمل أيه طول ماييقول أنه حسن البامبني مش حينخرج
أبدا... معتقدين أن ده دليل الجنان... لازم يرجع
عن الكلام ده ويرجع عن المقدوني كنان
- حسن — اسمعى يافاطمة... اتنى بتحبنى
- فاطمة — انت عارف
- حسن — طيب يافاطمة... أنا مستعد أعمل كل حاجة علشانك...
لو ضاعت أملاكى واسمى مايمش مادام اتنى معايه

- فاطمه — انت مش خطبتی وأنا قبلت وأخوك كان مستولى على كل حاجه
- حسن — صحیح یا فاطمه ... صحیح ... خلاص ... أنا مش حسن البامینی ولا المقدونی ولا حسن خالص ... أنا محمود عاصم من دلوقتی باعلى
- على — خلاص اتفقنا
- حسن — خلاص أنا محمود
- على — عاصم
- حسن — کویس کده
- على — کویس واهو بکړه بعد ما تخرج نعمل خطه ونوقع النصاب ده
- حسن — مادام فاطمه معايا نعمل كل حاجه ... عاوز أعمل كل حاجة وانمی نفسی واعیش معاکی
- فاطمه — حیبي حسن
- حسن — حیبتی فاطمه.
- على — لا لا ... بقی حیبي
- فاطمه — حیبي عصومه
- حسن — حلوه من بک يا فاطمه
- على — اسمعی یا فاطمه أنا على حساين مش على کونه
- فاطمه — ليه کده ... تغیر اسمک انت راخر
- على — یاستی — أرجوکی — على حساين

- الدكتور — (يدبر زرا) أما نسمع يقولوا أيه
فاطمة — عصم
- حسن — فطمطم (الصوت يظهر في جرة الدكتور)
الدكتور — غريبة ... بتناديه باسم غير حسن
حسن — وانت يا حسنين ... يا حسونة
على — أيوه يا سيد عاصم
- (يدخل الدكتور)
- الدكتور — ما مشاء الله ... الحالة كويسة يا حسن بك
حسن — حسن بك إيه ... مين حسن بك ... فين حسن بك
الدكتور — أمال أنت مين
حسن — أنا محمود عاصم
الدكتور — برافو ... برافو ... اسمك إيه
حسن — محمود عاصم
الدكتور — والبا ميني
حسن — ما عرفش إيه اللي كان حصل لى كده
الدكتور — والمقدوني
حسن — دى أو هام با دكتور ... كانت أو هام
الدكتور — وكونه
حسن — آه الكون اللي بيحطوه على الأكل
الدكتور — ماشاء الله ماشاء الله
على — دلوقتى بقى أستاذ

الدكتور — لا ... تستأذن ... تخرج لوحده ... حتخرجهم
كلكم دلوقت

فاطمة — صحيح يا دكتور

الدكتور — خلاص ... هوه سليم وكل حاجة ... بس كانت
نقطة البامبيني دى

حسن -- صحيح كنت باقول أن اسمى البامبيني ... حاجة
غريبة قوى

الدكتور — لا ساعات الواحد كده بتحصل له حاجات

حسن — كنت عاوز تسجلوا لى كلامى ... لأنه كان غريب

الدكتور — ما أنت سجلته بالكتابة

حسن — عال ده تذكر ما يتنسيش

فاطمة — يعنى حيخرج دلوقتي يا دكتور

الدكتور — حالا .. حاكب له الإذن بالخروج... ألف مبروك

حسن — الله يبارك فيك

على — البركة فيك يا دكتور

فاطمة — متشكرين يا دكتور

(يخرج الدكتور إلى حجرته وينق جرس)

(يدخل ممرض)

الممرض — أفندم

الدكتور — جهز لخروج الى كان اسمه حسن البامبيني ده

- المرض — خلاص يا افندم
 الدكتور — خلاص واكتب اسمه الحقيقي
 المرض — واسمه أيه يا افندم
 الدكتور — محمود عاصم
 المرض — أهو ده اسم معقول

(يخرج المرض والدكتور يكتب في ورقة)

- حسن — الحمد لله . حتنفد من أيديهم
 على — وخلاص حرمانا بقى ... الطريق المستقيم أقرب الطرق
 لاموت ولا يحزنون

- حسن — حرمت أموت خالص
 على — مافيش كلام
 فاطمة — واهو درس بقى
 حسن — وادى درس ... قال جيت أدى الناس درس ...
 أخذته أنا

- على — كل حاجة تتصلح
 حسن — وفقدت اسمى وثروتي لكن كسبت فاطمة
 فاطمة — ماتكسفينيش
 حسن — كسبت أكبر ثروة

(يدخل المرض إلى حجرة الدكتور بسرعة)

- الدكتور — خلاص يا سالم ... عملت ترتيب خروج محمود عاصم .

المرض — خلاص ايه ... خد أقرأ (يتاوله ورقة)

الدكتور — (يتناول الورقة) يقرأ

عجيب ... عجيب ... مش معقول ... مش معقول

(يفرك في عينيه ويقرأ في ببطء)

الدكتور — إشارة مستعجلة ... لقد قبض البوليس على من يدعى

بأنه حسن البامبيني وهو مجرم خطير سبق أن هرب هو

وزميله المدعى أن اسمه عيران من السجن وانتحل

أحدهما اسم حسن البامبيني وقد بلغ من اتقان تمثيله

أن زوجة حسن البامبيني خدعت فيه وكذلك أخوه

وترسل الإشارة بطريق الاستعجال لمستشفى الأمراض

العقلية لوضع مدعى اسم حسن البامبيني الموجود في المستشفى

تحت الاختبار الدقيق وعما إذا كان حقيقة مصاب بالجنون

أم هو محتال آخر طمعا في ثروة حسن البامبيني وسيحضر

أخو حسن البامبيني وزوجته لعرض المذكور عليهما

وعمل التقرير الطبي اللازم وعما إذا كان من الممكن

استجواب المذكور أن كان متمتعا بقواه العقلية .

الدكتور — (بعد انعام القراءة) حاجة غريبه ... اسمع يا سالم ...

بلاش خروج دلوقتي طبعاً أما أشوف وعند ما ييجي

محمود البامبيني وزوجة حسن دخلهم عندي في الحال

(أثناء هذا المنظر حسن وعلى وفاطمة يبدون سرورا

خروج حسن)

(يدخل الدكتور عليهم)

حسن — خلاص يا دكتور

الدكتور — الاجراءات بتاخذ وقت أطول يا حسن بك

حسن — مين حسن بك

الدكتور — حضرتك مش انت حسن بك البامبيني

حسن — ابدا

على — ده محمود عاصم

الدكتور — مين محمود عاصم

حسن — الله ما تعرفش محمود عاصم

فاطمة — فيه حد ما يعرفش محمود عاصم

الدكتور — يعني محمود عاصم ده راجل غنى

على — الا .. غنى ... طبعا

الدكتور — يعني هو غنى والا حسن البامبيني

حسن — حسن البامبيني مين ... ده محمود عاصم حاجة تانية

خالص

الدكتور — هيه ... كويس ... كويس خالص

(يدخل المرض)

المرض — (لدكتور) جم يا افندم بره فى صالة المستشفى

الدكتور — طيب... طيب

(يخرج الدكتور والمرضى إلى حجرة الدكتور)

الدكتور — اسمع

المرضى — أفندم

الدكتور — عاوزين دلوقت تدور المسجل ومخليه يلقط كلام الناس

من جوه

المرضى — حاضر يا أفندم

الدكتور — وبعدين تخش شويه معاهم تكلمهم علشان نختبرهم

المرضى — حاضر يا أفندم... همه يعنى تعبانين

الدكتور — ايوه تعبانين شويه

المرضى — دول تعبانين... مجانين ومجرمين يا أفندم

(يذهب المرضى ناحية المسجل يديره)

الدكتور — هات بقى محمود وزكية... خليفهم يقعدم هنا لغاية

ما أروح احضر دقيقتين فى الاجتماع وآجى

المرضى — حاضر يا أفندم

(يخرج الدكتور وسالم)

حسن — يظهر اجراءات الخروج هنا بتاخذ وقت

فاطمة — يا سيدى كله يهون... ما دام حتمخرج

على — لا... وانا الى كنت حاشربها من غير مناسبة

(يدخل المرضى ومحمود وزكية لحجرة الدكتور)

- المرض - اتفضلم... استريحم .. لغاية الدكتور ما ييجى ..
عنده اجتماع صغير وعن اذنكم أنا شويه
(يدخل المرض على حسن)
حسن - خلاص اجراءات الخروج
المرض - تقريباً .. أصل اجراءات الخروج صعبة مش يقولو
هوه دخول الحمام زى خروجه
على - ظريف قوى
المرض - انت الاظرف... ألا يا (موجهاً الكلام لحسن) محترم
المقدوني أو مقدوني... أو بقدونس دى أصلها إيه
حسن - ومين مقدوني... ما فيش مقدوني هنا
المرض - آه بأحسب
المرض - طب والباء بينى... مين البامبينى
على - عيش هنا بامبينى... مين قال كده
المرض - يا سلام... أهو كلام ييجى فى مخ الواحد... أصل
الواحد من كتر قعدته هنا عقله فى ترالى... ومن
عاشر القوم أربعين يوم
حسن - تمام... كلامك كله حكم
زكية - (فى حجر قالدكتور) أما انت فارس صحيح... خدت
الوإد المحرم بالسياسة لحد ما وقع
عمود - يا ستى دى صنعة عجز
زكية - لكن ناوى تعمل إيه

- محمود — ما عند كيش فكرة ... حاوديهم كلهم فى داهية .
- زكية — بس أنا عايزة أرسى لى على بر
- محمود — حالا ... بكره يصنى الجو ... وتجاوز ... أنا فى الأول كنت ناوى لك على نية ... قلت طلعت لنا متين دى لكن بقى الحب ... أعمل إيه وقعت فىسكى .
- زكية — يقطعله الحب ده ... ما هو حبك خلاى زى العجينة فى إيدك
- محمود — بس انت بقى تتجدعنى مايا لغاية ما نودى اللى جوه فى داهية واهى كلها كام يوم والامور حتى عال ... بس اللى غاظنى انى فى الاول ما اعرفش إيه حصل لى والمفعل اللى خوه استغفلنى وخذ منى خمسمية جنيه ... لكن باقية له
- زكية — يا خويا أهو دخل مستشفى المجاذيب .. انت كنت قاصد تثبت موته
- محمود — ودى تكفى ... طول ما هو عايش مش حاستريح ... وبرضه وجوده خطر ... لازم تهمة بحاجات ونقول إنه خطر ... الله ... هو مش كان عاوز يعتدى عليكى وعليه ... مش هو اللى غرق حسن
- زكية — تمام كان عاوز يتجاوزنى قال ... ده كان عاوز يعتدى عليه
- الدكتور — (يدخل) لاؤاخذه كان عندى اجتماع حضرت شوبه وجيت لكم ... احنا حنشوف الجماعة اللى جوه دول

حالم ملخبط شويه ... أنا حاخش الأول وبعدين
تخش أنت (بشير لمهود) وبعدين حانده لك (لزكية)

محمود — علشان إيه

الدكتور — اتم تعملوا أنكم بتزوروا اللى بيدعى انه حسن ده
مجرد زيارة عادية وحشوف رد الفعل عندهم

محمود — بس أنا شبت مرأح ومجى ... وشبت م النصاين
والمجرمين دول

الدكتور — دى تعليقات الولىس ... لازم نعرضهم عليكم ...
ونشوف رأيكم إيه

زكية — أمرنا الله

(يدخل الدكتور)

حسن — خلاص يا دكتور ... حاخرج

الدكتور — أنا جايب لكم حته مفاجأة

على — هو فيه أحسن من الخروج

الدكتور — قبل الخروج حيزوروكم ناس أصدقاء

على — حيزورونا ... هو إحنا قاعدين هنا

حسن — هى إجراءات الخروج حتطول

الدكتور — لا ... أبداً ... حالا ... أهو بعد الزيارة ... اتفضل

يا محمود بك يا بامبني

حسن — محمود ... إيش جابه

عمود — (يدخل)

- حسر — ده جای عزیز لیه ده
- الدكتور — زیارة
- على — (بشیر لحسن بالهدوء)
- الدكتور — مش ده أخوك حسن البامبني (لمحمد)
- حسن — حسن مين ... ما فيش هنا حسن
- محمود — (يتاسم في خبث وبشیر بيده لإشارة غامضة)
- الدكتور — ليه رأيك يا على
- على — ده مش حسن ... ده محمود
- محمود — أظن محمود البامبني
- حسن — لا ... لا ... ما فيش بامبني خالص أما محمود عاصم
- الدكتور — وانت يا شاطرة (مشيراً لفاطمة)
- فاطمة — ده محمود عاصم
- الدكتور — أصل قبضم على اللي كان يقول إنه حسن البامبني ...
- ظهر أنه مجرم وهربان من السجن
- حسن — الحمد لله ... يا سلام
- على — أهو الحق ظهر
- فاطمة — مش قلت لكم
- حسن — عرفت يا دكتور إنى أنا حسن البامبني
- محمود — (يسرع ناحية الدكتور) مجرم راخر ومجنون وخطر
- حسن — بتقول آيه يا محمود

- عُمود — مش كان اسمك دلوقت محمود
- الدكتور — (لحسن) خليك على طبيعتك... أنت يعني... أنت أيه... قول
- حسن — أنا أيه... أنا حسن البامبني... مظهر الحق
- الدكتور — بتحب خطيبتك قد أيه
- حسن — مليون في المية
- عُمود — (الدكتور) مجرم خطير ومجنون
- الدكتور — (لحمود) ... لسه عنده حاجات ... لكن بشرفك - بشرف البامبني ... ده مين
- عُمود — (الدكتور) ما اعرفوش خالص... زى دوکها - (بصوت عال) كان بيقول مقدوني - وبعدين عاصم - وبعدين بامبني - دول مجرمين...
- حسن — أنا أفسرك يا سي محمود... ولما أخرج حاوريك (بجدة)
- الدكتور — لا - لا - مشي عايزين تفسير... ولاتكسير
- على — (يشير لحسن بالهدوء)
- حسن — ماهي حاجة تجنن
- عُمود — (ينمب للدكتور) سامع يا دكتور ... ما تسأل زكية
- الدكتور — طيب تنده زكية

- حسن — زكية مين ؟
- فاطمة — النصابه اللى بتدعى إنها زوجتك يا حسن
- حسن — النصابه — الكذابه — شريكه اللى مسكوه
- محمود — (للدكتور) شايف يادكتور — اللخبطة — خايفين من مراته تقول الحق
- للدكتور — ياست زكية — تعالى — انفضلى (لمحمود) جقيقيلخبط — مضطربين
- محمود — (للدكتور) مضطربين — دول مجرمين — وجمانين
- الدكتور — خليك على طبيعتكم ... خليك على طبيعتكم
- الدكتور — (لمحمود) يلخبطكم قوى ساعات عاصم ... مقدونى ... باميينى
- محمود — (للدكتور) جمانين ومجرمين ... فيه حكايات أدهى — شيخ الغفر يقول همه اللى غرقم حسن الباميينى (تدخل زكية)
- الدكتور — (زكية) أيه رأيك
- زكية — أنا عارفه ... دوله ناس عندهم لحسه وعاوزين ياخد مال الناس
- الدكتور — (زكية) حاولي تكلمهم
- زكية — ممكن يعتدوا على ... أنا ما اخافش إلا المجرمين تصور المجنون ده كان عاوز يعتدى على عفافى

- حسن — أنا - دی هیه الی کانت عاوزه تتجوزنی
- محمود — سامع یادکتور - خطرین - خطرین ... قال هیه ائلی
عاوزه تتجوزه
- الدکتور — ماتعرفش دی ... دی مرات حسن البامینی ... الی
کنت عایز تتجوزها
- حسن — مراتی أنا - أنا أتجوزها - دی هیه الی کانت عایزه
تتجوزنی
- الدکتور — یاراجل قول کلام غیر دمقول کلام معقول - تتجوزک
وهی متجوزة
- محمود — یاسعادة البیه مافیش فایده
- فاطمة — آه یاناری - آه یاناری
- محمود — سامع یادکتور
- الدکتور — آه یانارک علشان أیه
- فاطمة — ده خطیبي أنا - خطیبي أنا
- محمود — أهی کلت یادکتور - شغل اجرام وجنان
- الدکتور — دلوقتی زیارتک یامحمود بک وانت یاست زکیه انتهت
- کتر خیرکم - عرفنا حاجات کثیر خصوصا حکایة
شیخ الغفر - عایزه النیابة
- (ینخرج محمود وزکیة)

- على — واخنا خنخرج امى
- الدكتور .. لسه شويه
- حسن — شويه ايه يادكتور
- الدكتور — شوية إجراءات خارج لك
- (يخرج الدكتور)
- حسن — (المرض) ماتقول لنا الاجراءات دى بتطول
- المرض — أهو أتم وبختكم بعد نقطتين
- على — يعنى ايه نقطتين
- المرض — دقيقتين ... ساعتين
- فاطمة — بتقول ايه
- المرض — شهرين ... سنتين
- حسن — ماتسكلم عدل ... اخنا بنهزر
- المرض — أصل هنا جدد قوى (يعبرى خارجاً الحجره الدكتور)
- الدكتور — (لالم) ايه يا سالم
- المرض — يا افندم دول حيقوا مجانين خطرنا جداً ... لازم
- نقلهم من حجره الإختبار دى للعابر الخطره
- الوكتور — ايه رأيك يا محمود بك
- محمود — حالتهم صعبه ... يخنرقم خالص — ادبك سمعت
- بنفسك

زكية — كان عايز يعتدى على عفاى — بعد ماموتم جوزى
الدكتور — أنا شايف أنهم بيلخيطم فى الكلام ... حتى الى
اسمها فاطمة

محمود — خالص ... خالص
المرض — بيلخيطم وبس ... دول حقهم يتحطوا فى سلاسل
الدكتور — (لمحمود وزكية) على كل حال متشكرين يا جماعة ...
مع السلامة

(يخرج محمود وزكية بعد أن سلمان)

المرض — أقتلهم لعنبر الخطرين
الدكتور — همه عملم فيك ايه
المرض — كانوا حايعتدوا عليه

الدكتور — دول كان مظهرهم عقلاء فى كل حاجه إلا فى بامبىنى
ومقدونى وعاصم ده تصرفاتهم كانت صح إلا فى دى
بيتصرفم غلط — لكن حكاية اعتدائه على زكية دى
وشهادته شيخ الغفر تصرفهم غلط خالص . دول زادوا

المرض — تمام وهو الجنان مش تصرف غلط
الدكتور — مش كل تصرف غلط يبقى جنان يا سالم وإلا كانوا
العقلاء قليلين

المرض — طيب مام العقلاء قليلين

الدكتور — انت واثق إنك ما بتغلطش ... من شهر مثلاً ما غلطش
غلطه كبيرة

المريض — أنا فى عرض الدكتور ... دول عقلاً خالص
الدكتور — انت خايف منى ياسالم نهايته ... أما تشوف الريكورد
(ينظر لريكوردر) أنا مش قلت لك خليه يتقل كلام
الى جوه ... برضه خليته ينقل كلامنا هنا

المريض — أنا فى عرضك دى مش غلطه كبيرة
الدكتور — أكبر غلطه ... نهايته ... أدوره أنا على جوه

(يذهب الدكتور ويدير المسجل)

الدكتور — روح ياسالم أنت شوف شغلك بره ... أما تشوف حل
فى الحكاية دى ... (يجلس الدكتور ويقلب فى أوراق أمامه
ويكتب فى بعضها ويفكر)

حسن — أتأخرم ... يظهر المسألة ... اتعمدت تانى

على — أنت تسرعت وقلت لك البامبىنى

جيسن — مش قالوا أنهم وجدوا المجرم ياسى على يا كونه ..
أحسن حاجة نرجع لأصلنا

على — علشان يقولوا علينا مجانين

حسن — يقولوا ... يقولوا ... مش ممكن حانكر نفسى ..

أنا حسن البامبىنى ... وأنت على كونه ودى خطيتى ...
ودة الى حيث قدنا

على — وأنت عليك ايه ... معاك خطيبتك وكنت مستيع
من الاول ... لكن ... أنا ... أنا ... حيعتروني
مجنون والا مجرم مجنون ... وأقعد هنا طول العمر ...
أنا مش معاك أبدا ... مش ممكن أقول إنك حسن
البامبني — يا أخى كانوا حيفرجونا — كنت
استنى شوية

حسن — أنت حر
فاطمة — وأنا مع حسن ... ده حسن وأنا فاطمة خطيبته ...
ومش ممكن أخرج من هنا إلا ورجلى على رجله ...
وإن كانوا يعتبرونا مجانين ... تقعد مع بعض هنا
ما اسيكش أبدا ... أبدا ... ما اسيكش أبدا

على — وأنا ذنبى ايه ... وكانوا سموني كونه ليه
فاطمة — أنا مقتتعة بحاجة مادام الواحد سليم ونيتته سليمة ربنا
مش حيسييه أبدا

على — ما هو ياستى حسن عقدها وعمل أنه غرق
فاطمة — اهو أخذ الثمن فى البهله دى ... لازم نرجع للحق ...
ونقول الحق ... وربنا حيساعدنا

الدكتور — ياسالم (يضرب الجرس)

المرضى — اقدم

الدكتور — يظهر الشريط خالص ما أنت دورته على هنا .. شوف

شريط ثانى وغير الشريط

المريض — حاضر (وهو خائب) بس حكاية الشرايط دى ولحظة

جوه وبره

الدكتور — ما تخافش ... ما تخافش ... دى غلطه صغيرة وإلا

أقول لك نسمع التسجيل

المريض — (يدبر الشريط)

يدور الشريط فيسمع صوت زكية من أول أما انت

فارس صحيح ... خدت الواد المجرم بالسياسة

لحد ما وقع

الدكتور — ايه — ايه ده

المريض — أغير الشريط

الدكتور — (لا لا خليه خليه)

(ثم يسمع صوت الشريط) بس انت تتجدعنى بمايا لغاية

مانودى الى جوه فى داهيه ... راهى كلها كلام يوم

الدكتور — عال .. عال

والأحوال حتنقى عال ... بس الى غاظنى إنى فى

الأول ما عرفت إيه حصل لى والمغفل الى جوه

استغفلنى وخذ خمسمية جنيه

صوت زكية — يا اخويا أهو دخل مستشفى المجاذيب

الدكتور — هيه .. هيه ... المسالة فيها كلام

صوت محمود — ودى تكفى ... طول ماهو عايش مش حفستريح ...
برضه وجوده خطر

الدكتور — والله عال ياسى سالم
المرض — أنا فى عرضك ... معلش غلطة بسيطة
الدكتور — لا ... ده أنت تستاهل مكافأة ... غلطة لكن بينت
الحقيقة وحتمنع جرايم نسمع بقيت الشريط

(ويستمع الدكتور لكن لا يسمع الصوت للتفرجين)
على — باجماعة أرجوكم (أثناء سماع الدكتور للشريط الشير مسوع)
للتفرجين) ما تبوظلوش الدنيا

حسن — أبداً ... مش ممكن
فاطمة — أيوه مش ممكن
على — خليك بمحمود عاصم وأنا على حسانين ... خلتنا
نخرج بسلام

حسن — يعنى أنت شايف كده
على — أنا فى عرضك أحسن الحكاية تتعقد تانى
حسن — زى بعضه ياسيدى ... حنسمع كلامك
الدكتور — يرافو عليك ياسالم كان لازم تغلط علشان نعرف
الحقيقة .. دلوقتي أنا حاكب لبوليس بعد ما اخرج
الناس دول (يوقف المسجل)

- الدكتور — (يذهب الدكتور لغرفة الاختبار)
- مبروك يا جماعة ... مبروك يا حسن يا باميبي
- حسن — هو فين حسن الباميبي ده
- فاطمة — هو فين
- الدكتور — (يضحك) مبروك يا كونة
- على — كونة ... كونة فين
- فاطمة — على حسانين
- الدكتور — يعنى نكتب إذن الخروج باسم مين
- حسن — (مشيراً لنفسه) محمود عاصم
- على — (مشيراً لنفسه) على كونة ... حسانين حسانين
- الدكتور — ما تخافوش الحكاية اتعرفت ومحمود اعترف
- الدكتور — (يكلمهم بصوت غير مسموع)
- حسن — بالذمة يا دكتور
- حسن — يا سلام
- على — صحيح
- فاطمة — يا ما أنت كريم يارب
- الدكتور — أنا حابعت لكم اذن الخروج
- (يخرج الدكتور)
- حسن — الحمد لله ... الحمد لله . . الحمد لله

- الدكتور — (يخرج لجبرته ويكتب أذونات الخروج) . خلاص لازم
يخرجهم — ياما في الحبس مظالم — ولازم نكتب
للتبابة علشان المجرم الثاني
- الدكتور — سالم سالم (بطل أذونات الخروج لالم) دى أذونات
الخروج
- سالم — للثلاثة
- الدكتور — للثلاثة
- سالم — خلاص يا أفندم
- الدكتور — خلاص . . بس مش عاوزين غلط تانى
- سالم — لا . . ما اخافش من الغلط خلاص . . لال بيغلطم
همه العقلاء
- (يدخل سالم على حسن)
- حسن — حبيبتي فطومہ
- فاطمة — حبيبي حسونه
- سالم — (بصوت عال) المدعو حسن البامبني ... خروج
- حسن — (ينسجم مع فاطمة) (لايرد)
- سالم — (ينظر سالم لهما) غير موجود ... مش هنا . . سارج
في ملكوت
- سالم — المدعوہ فاطمة فاطمة ... خروج

- فاطمة — (منجمة مع حسن) (لا ترد)
 (سالم ينظر لهما) (غير موجودة) مش هنا سارحه معاه
 فى ملكوت
- سالم — ندعو على كونه ... خروج
 على — بنجم فى النظر اليه. ١١ (لا يرد)
- سالم — غير موجود مش هنا
- سالم — يعنى عاوزين تقعدوا... دلوقت ... ما بتدوش ليه
 على النداء
- حسن — طبعاً مش دى مستشفى المجاذيب
- سالم — آه
- حسن — أهو أنا مجنون بفاطمة
- سالم — وفاطمة
- فاطمة — مجونة بحسن
- سالم — قال دل عقلا وكاتبين لهم لى خروج وحينخرجوم ١٠
 طب عرفنا دول ... اتنين اتجنتوا ببعض ما بيردوش
 وحضرتك «لى» ايتدش ليه ؟
- على — عايز اتجتن زيهم ... عايز واحدة تجتنى ... عاوز
 اتجتن انا كان « مشيراً لحسن وفاطمة » عايز اتجتن ...
- « ستار »

للمؤلف قريبا

المسرحية القومية

انتصار إيزيس

التي تتناول معجزة القرن العشرين

السد العالي

المسرحية الضاحكة

تحت الطبع . . للمؤلف

■ عقل الكهروني

■ زواج وحب وعدالة وبالعكس

، فانتازيه ضاحكة ،

■ حاتموز التليفزيون

الناشر

مكتبة الهى العربى

لصاحبها ، رءوف نعمان

• شارع كامل صدق بالفعالة

تليفون ٩١٩٩٦٥

الثن ١٥

Bibliotheca Alexandrina



0206997

دار الجيل للطباعة ، قصر النزهة - الفعالة
تليفون ٩٠٢٩٦